



廬山紀事卷三

廣陵桑喬書子木

山南自隘口東北行至張公嶺

如黃龍山通書院

息安星子之間有地曰隘口

山疏隘口者匡南之西道也路由廬阜黃龍兩山之

間山對峙如門初甚隘過此則豁然平疇故謂之隘

口

隘口之東南為黃龍山黃龍山在縣西三十里

南康志黃龍山在縣西三十里

舊志山秀聳蜿蜒磅礴周五十里相傳廣明中有黃



龍見故名山有两巖識云三爪踏三溪謂沙溪猪溪
龍溪也黃龍山在縣西三十里

真仙通鑑黃龍石在黃龍山上廢青霞觀後僊人文

女真跨黃龍昇天處也又有文女真昇僊臺山疏文

女真其世代名字無可考或曰名慧通晉人附之

黃龍山西麓有通書院西直山麓由漢阜黃龍山西

山疏通書院在隘口南黃龍山西麓不知其所由始

或曰陶淵明之祖居或曰宋以來星子人所立以祀

靖節者也口東北至空公處

棋盤石在通書院東南唐衝山下唐衝者黃龍山之

支也率卷三

石劉天生自然四大字元嘉元年九月一日書九小

字又小醉石三字皆在棋盤石傍一小石上

溫泉經臺山

黃龍山北麓有二池水曰溫泉溫泉在黃龍山下

周景式廬山記主簿山在胡即廟南數里山下有溫

泉穴口圍一丈許沸泉湧出如湯冬夏常熱

豫章古今記輔山下有二泉其一常溫

王禕經行廬山記湯泉甃石為池者五

舊志需陽泉在黃龍山麓一無池穴口圍丈

新志湯泉有四井一在大嶺下

山疏溫泉今止二池井尚有存者皆沒於水中其無

井處有沸泉當其沸處砂石熱不可履其不沸處即冷如常沙而東一池尤熱可淪雞西池水稍深又有他水來襍之故其冷者三之一無所謂穴口圍丈及五池云

舊志靈陽淨慧禪寺在湯泉上山疏俗謂之靈湯寺寺僧嘗鑿石為龍首以出泉今並廢

山疏往聞溫泉之下多硫故其臭亦硫惟下有丹砂則其水赤而香不赤香亦不硫臭者其下有礪石本草礪石性熱山有礪石草木盡焦礪石入水沍寒不冰唐子西曰今積硫於水其水不温是有硫之說未足憑也桑喬生曰夫雷火所灼其氣亦硫豈以雲雷

之中而亦有硫哉蓋極陽之氛也夫溫泉者亦極陽所聚蘊隆焚如五行變化奚所不至蕭山之墟有涼燄焉可云其下有冷石耶

于鵠溫泉僧房詩雲裏前朝寺脩行獨幾年山村無施食盥漱亦安禪古塔巢溪鳥深房閉谷泉自言僧入室知處梵王天

朱晦菴溫泉詩連山西南來中斷還崛起干霄幾干仞據地三百里飛峰下靈秀衆壑下清美逮茲勢力窮猶能出奇偉誰然丹黃燄爨此玉池水客來爭解帶萬劫付一洗當年謝康樂絃絕今久矣水碧復流温相思五湖裏

溫泉之東有謝靈運繙經臺

山疏繙經臺去溫泉不能一里臺廢址存俗謂之經

臺山

泉里虎爪崖濯纓池醉石

溫泉之北其墟為栗里西南木中遺蹟出於千霄幾千

山疏栗里者陶淵明先生所居之故里也其地在虎

爪崖之下

清風橋在泉里坂去醉石一里所醉石澗水之所經

也嘉靖中御史李循義更名柴桑橋

栗里之北廬阜之上有崖為虎爪崖

山疏虎爪崖紀遊集謂之龜形山在紅花尖山西南

虎爪崖之下有濯纓池

山疏濯纓池在醉石北崖上池水出於虎爪崖石裂

醉僊濯纓之池六字

舊志栗里池在縣西南三十里淵明故居今不知處

或曰即濯纓池或曰非也新舊志濯纓栗里二池皆

並載

濯纓池之下有醉石

山疏醉石在濯纓池下谷中高三四尺亦謂之砥柱

石

舊志栗里源即醉石澗在醉石傍

南史先生棄官歸籃輿時往來廬山中醉輒卧石上

其石至今有耳迹及吐酒痕焉

[石劖]歸去來館四大字與明進士盧襄詩及他諸詩皆在醉石上淵明醉卧此石六字歐陽國華李升華皇祐缺年同遊十三字有宋三衢吳亮禪林徐缺元祐三年飲於淵明醉石二十字俱在醉石傍崖上唐顏真卿醉石詩張良思報韓龔勝耻事新徂擊不肯就舍生悲縉紳嗚呼陶淵明奕葉為晉臣自以公相後每懷宗國屯題詩庚子歲自謂羲皇人手持山海經頭戴漉酒巾興逐孤雲外心隨還鳥泯朱文公跋有唐魯郡顏文忠公栗里詩見陳令舉廬山記而不得其全篇雖然讀之者亦足以識二公之心而著

於君臣之義矣栗里在今南康軍治西北五十里谷中有巨石相傳是陶公醉眠處予嘗往遊而悲之為作歸去來館於其側歲時勸相間一至焉俯仰林泉舉酒屬客蓋未嘗不賦詩也地之主人零陵從事陳公正臣聞之若有慨然於中者請大書刻石上予既去郡請益堅乃書遺之淳熙辛丑秋七月壬午新安朱熹仲晦父

無名氏醉石詩淵明醉此石石亦醉淵明千載無人會山高風月清石上醉痕在石下醉源深泉石晉時有悠悠知我心似醉元非酒永懷宗國屯明明石上痕相視欲無言沈醉非關酒深情石應領睥睨當時

人慵騰復誰醒

醉石谷中有館二曰五柳館曰歸去來館

舊志五柳館在縣西三十五里淵明故宅栗里是也
今廢

陶集註初先生之居柴桑也歲戊申屬有回祿之變
其後年庚戌乃徙居南里之南村

山疏歸去來館在醉石澗東麓今燬惟一廢丘而澗
西又別有廢丘不知為何所土人謂二廢丘曰上觀
場下觀場而猶謂下觀場為書堂云朱文公歸去來
館詩予生千載後尚友千載前每尋高士傳獨歎淵
明賢及此逢醉石謂言公所眠况復巖壑古縹緲藏

風烟仰看喬木陰俯聽橫飛泉景物自清絕優游可
忘年結廬倚蒼峭舉觴酌潺湲臨風一長嘯詞以歸
來篇

紀遊集醉石觀即歸去來館然不知何時易館為觀
而主以道流太玄張天師請雷提點任醉石觀疏醉
非真醉空留石上之痕歸乎不歸老却山中之屋欲
重先賢之名迹須憑當世之大才龍淵提點栗里衣
冠柴桑人物廣萬間於淮右擎一柱於江東山蒼蒼
水茫茫正爾先生之待桂團團石齒齒合為隱士之
招非舍已以芸人是興廢而繼絕必恭敬止得其所
哉懷淵明之愛廬觀玉宇瓊樓於頃刻得次宗而開

館集瑤簪珠履於三千豈為菟裘之營益謹華封之
祝方茲側席宜速回轅西嶺必恭於山其流
續晉陽秋陶潛九日無酒但往坐宅邊菊叢中採摘
盈把望見王弘遣人送酒即便就酌六云東山蒼蒼
醉石澗水南流與溫泉水合而入德安德安縣
桑喬生曰諺云其迹彌近其心彌遠淵明雖忠晉然善
自藏含曜不舒以酒為名首陽為潔柳下為容真不盤
俗和不失身躬耕乞食其適也天曠懷獨在光景俱泯
矣

般若峰即舍塔三將軍洞靈溪觀一尋觀詩以觀
虎爪崖之東北為般若峰般若

舊志杏壇菴外有般若峰山疏俗謂之紅花尖

石刻僊槎二大字

般若之下有董奉館杏林

舊志董奉館即董真人壇杏林即董奉種杏處並廢

山疏杏壇菴俗謂之杏桃菴非也亦廢

真僊通鑑董奉字君異三國吳時閩之侯官人也有
道術初在南中交州刺史杜燮病死三日矣奉以二
丸藥納燮口中令舉其首而搖之有頃甦半日能起
坐後四日乃能語燮告人曰初死時忽忽如夢中見
數十人衣烏衣來收燮將載露車上去入大赤門徑
以付獄獄各一戶戶纔容一人烏衣者納燮一戶中

以土封之忽聞人云太乙使使來索燹可急開出之
又聞有人伐土聲久乃得出見二人共乘一車張赤
蓋一人持節呼燹與共載至家即復活燹因敬事奉
為築樓以居之奉不穀食惟飲酒啖棗脯嘗求還豫
章不得居無何忽從燹求棺燹即為具棺棺成之明
日而奉死葬之後七日人有見奉于宕昌者因寄謝
杜侯善自愛啟棺視之惟一帛符奉後來居廬山時
時為人治病有少年病癩瀕殆自載詣奉奉使坐密
室中以布五重緘其目敕家人毋相近俄有物入其
室徧舐之痛不可堪度其舌可大尺許氣息如牛久
乃去始解布與少水飲旬日少年體盡赤無膚痛甚
又旬日生膚如凝脂癩盡愈

集僊傳奉為人治病不取錢重病愈者使栽杏五株
輕者一株如此數年計得十餘萬株鬱然成林乃使
百禽群獸遊戲其下竟不生草常如芸治後杏子大
熟於林作一草倉榜示人曰欲買杏者不須報奉但
將穀一器易杏一器去人有置穀少而取杏多者虎
輒吼而逐之奉得粟盡以散之貧者

神僊傳奉居廬山時嘗大旱縣令于士彥謁奉求致
雨奉仰視其屋曰貧家屋皆見天何可得雨耶于令
即身率吏士為起屋屋成欲取水沃泥圻壁奉曰毋
庸日暮自當雨其夜果雨

潯陽記城東門通大橋嘗有蛟為人害奉疏一符寘水中少日蛟死浮出

真僊通鑑人有女為魅所祟他師不能治其人為奉能已之當以女為君婦奉即捕魅斬之乃大白鼉也其長丈六尺女遂歸為奉婦然不孕奉為覓一女子使養之女年十歲而奉僊去婦與所養女獨居賣杏取給虎為守之如奉在時

山疏廬山記言奉在人間近三百年真僊通鑑曰奉在人間百年其顏色常如三十許又他書言奉歿於永嘉中通鑑之言為近之

濠州志濠州鍾離縣有杏山亦云奉所種杏處

山疏慧遠記董奉事不標嶺名及南北所在集僊傳

真僊通鑑諸書亦祇云居廬山今莫能的知其處而

南康志則云杏林去府西二十五里醉石東九江志

則云杏林在蓮花峰下今二峰下俱有奉之遺跡宋

謝景先則又以為在上霄峰三說莫能別其是非而

南康新志又云香泉在五老峰下下流經過杏林故

名夫五老峰去紫霄三數十里中多山谷險阻隔絕

其水無可經過杏林者且與寺觀志香泉院下所載

不同尤為謬誤然則今但知廬山有董僊神異之迹

而其所居則闕疑焉可也

有水經杏林而出曰杏林源

南康志栗里橋在清風橋東北杏林源之所逕也其
下流入德安

山䟽心遠亭在栗里橋側亭有碑鐫心遠地自偏詩
今廢惟碑存

清風鋪即紫霄鋪有碑鐫歸去來辭

般若之側別有水曰香泉

山䟽香泉在谷簾泉側東流經過杏林故名香泉而

般若峰之東北為耶舍塢山山巔有舍利塢

山䟽耶舍塢山在般若峰東舊志峰從山腰拔起峭

麗如簪玉筍然無名以塢得名

王禕經行廬山記釋氏書云佛滅度後所遺設利八

萬四千散在人世龍宮皆貯以金瓶寶篋建塢藏焉

東晉時佛馱耶舍自西域奉設利來建塢於此即八

萬四千之一也塔高若干尺範鐵為之外包以石峰

峭峻鐵石重人力不可施皆運神通力致之俗呼為

耶舍塔山䟽我明正統年間為雷所擊摧折惟一級

存

耶舍塔西南有三將軍洞有溪曰靈溪有觀曰靈溪觀

舊志靈溪觀即三將軍廟在三將軍洞前

真僊通鑑秦時有武士十三人棄官南遊求僊既至

廬山其十人者又去之豫章惟唐健威李惠及宋刁

雲三人者隱此洞中不去一夕雷雨水齧沙成二溪

溪石有玉簡天篆曰神化靈溪玉簡標題真人受簡
玉澗潛棲因遂名溪曰靈溪三士後不知所終鄉人
廟而祀之

觀音岩金輪峰石鏡峰兜率峰

三將軍洞東為觀音岩

山疏觀音岩在耶舍塔南岩有風穴常有太風自穴
出敗民田禾或冶鐵為觀音像以鎮之相傳動像則
其風大作云

其南有馬尾水一滴泉

山疏馬尾水崖在觀音岩南俗呼流水崖崖上有龍
潭水自遠山奔注之噴湧散落為馬尾水水南下與

鸞溪之水合

一滴泉在馬尾水東泉下與鸞溪水合而出鸞溪橋
馬尾水崖南為金輪第一峰

山疏峰形如輪故云金輪宋人送僧還歸宗寺詩云
占斷金輪第一峰是也

石刻宋陳立福祿耆壽四大字歸宗二大字金輪峰
三大字山水二字朱端章何必絲與竹山水有清音
十字皆在峰麓石上

留元剛紀遊志予自錦繡谷磨崖歲月起丁酉迄後
朔之丁未游歷凡四十五所峰源上中下化成護國
石盆保興聖僧巖香城香谷東西林太平興國清虛

雲溪永清雲際蓮花報恩龍泉祥符國泰禪智德峰
雲慶寶積寶慶惠濟仁壽香積尊勝鹿臺妙智甘泉
棲雲顯慈虬津崇壽瑤田雲居同安魯城柴桑酬靖
節祠抵能仁而還朱沐段日嚴釋性坦偕行予留元
剛住山曇紹

金輪峰側為石鏡峰有溪曰石鏡溪
舊志列異記峰有圓石懸崖瑩徹光可以鑒隱見不
常

潯陽記石鏡峰東一圓石懸崖明淨照人毫髮必察
謝靈運詩攀崖照石鏡山疏據前三說則有石如鏡
紀遊集峰以山水明淨得名山疏據此則無石如鏡

石鏡溪在石鏡峰下李彭詩石鏡溪邊樹

石鏡黃山谷石鏡溪三大字

石鏡峰下為兜率峰

舊志兜率一名兜牛峰

歸宗寺

金輪峰南有歸宗寺

山疏歸宗寺者故晉王羲之之宅也初羲之守九江
時西域僧佛馱耶舍來廬山羲之雅重其說因捨宅
為寺以居之

南康志寺壯麗甲於山南諸刹嘉祐間周伯祥脩已
而復兵燬我明洪武以來僧道溟懷瓚慧清相繼脩

之
山疏羲之洗墨池在寺殿後王文忠公禕曰歸宗寺
有池水色正黑曰墨池相傳羲之所洗墨處也羲之
嘗慕張芝臨池學書池水盡黑此其故蹟也豈信然
耶今臨川郡城東亦有墨池南豐曾氏為記蓋深疑
之以謂方羲之之不可強以仕也嘗極東方出滄海
以娛意於山水間豈其徜徉恣肆而又嘗自休於此
耶余謂以彼之可疑則此之不足信非邪商丘漫語
臨池而池水黑者謂用墨之多也羲之雖善書安能
變地脈易水色使之久而猶黑哉且臨池亦不在為
守時曾南豐墨池記或云愛人之善雖一能不可廢

愚謂王右軍勸殷浩內外協和然後國家可安止浩
北伐謂力爭武功非所當作遺謝萬書謂隨事行藏
與士卒同甘苦謂謝安虛談廢務浮文妨要非當世
所宜言論風旨可著廊廟江左第一流人也不可以
藝掩其德謂之一能過矣鄭士利曰王右軍有當世
才而不得用獨以能書聞於後世悲夫

山疏羲之鵞池在寺後山澗濱今堙
石劄宋嘉熙丁酉清和之月康廬僉倅鄒孟德景說
詩又元江原張續季長宿歸宗詩俱在墨池側
歸宗之名僧耶舍智常道詮義彙策真慧成可宣懷惲
弘章慧通芝菴王真淨真牧曇華凡十又四人

神僧傳佛馱耶舍罽賓人聰明強記年十九誦大小乘經數百萬言後至龜茲聞鳩摩羅什在姑臧欲往就之而為國人所留乃呪水與弟子洗足密裝夜發比曉行數百里遂至姑臧後姚興迎至長安立省於逍遙園四事供養並辭不受時至分衛一食而已耶舍赤髭而善毘婆沙時稱赤髭毘婆沙弘始元年譯四分律并長阿含等經興施絹萬匹不受南至廬山與釋慧遠會蓮社後還西域不知所終

五燈會元唐貞元和時有智常禪師者馬祖之高弟也目有重瞳以藥拭之目盡赤因號赤眼禪師亦曰拭眼禪師李渤問芥子如之何而納須彌也智常曰

人言學士讀書萬卷信乎曰然常曰是心如椰子大萬卷獨安所置之耶渤大悟白樂天微服而伺智常於歸宗智常方偏袒而自圻壁白為之過泥焉常曰儒耶釋耶曰儒常曰君子儒小人儒曰君子儒常曰吾聞儒有白樂天者是若耶曰然久之常顧曰而今乃有過泥分

可宣禪師初依瑯琊與郭功甫相厚善及在歸宗功甫尉南昌南康守志師無禮撻迫之師以書寄功甫曰宣世緣尚有六年以州主抑逼當棄餘喘往生公家功甫驚喜領之中夜功甫妻夢宣入其寢已而有孕生男名宣老暮年而記問如昔果六歲無疾而逝

廬山紀事卷三
真淨克文禪師者黃山谷所嘗與往來也寶訓湛堂
準貯燈帳中以讀經真淨呵曰所謂學者求治心也
心之不治縱學奚裨弃本逐末乃妨道業湛堂即屏
去所習專意禪觀龍川志略文禪師所至輒修建其
費不訾其術乃以硃砂化淡金為精金然文未嘗以
一錢自利故能保其術而無患

山疏芝菴主卓菴於寺後廬山絕頂嘗自作偈

真覺道人草菴在歸宗寺側嘗自作歌黃山谷為之
書

應菴曇華禪師於室中能鍛鍊耆艾與大慧杲稱二
甘露門

藝文

朱文公遊歸宗和尤延之韻金輪紫霄上寶蓋鸞溪
邊往昔王內史願香有餘烟千年今一歸景物還依
然澗水既蕩瀟山花亦清妍不辭原隰勞樂此賓從
賢訪古共紆鬱勞農獨勤奉憐我乖勝踐裂綫寄真
詮逃禪公勿遽且畢區中緣
李夢陽歸宗寺詩夕日照何寺夏雷喧此峰惆悵昔
人去空餘山礪松

桑喬生曰洪武初王忠文公過歸宗時歸宗已盡焚圮
其故址皆灌木蒙翳不可入諸石刻崩裂蕩盡無復存
者其後寺雖復建然不振並力作以自活無大禪德尸

之先賢之作莫可考稽矣

其地余峰屏風山屏風寺

耶舍塔山東北為余峰其下有屏風山屏風寺

山疏余峰峭峻不減耶舍塔前有巔崖俗謂之掀撲

崖

屏風山在余峰南舊志丹崖翠壁縈繞磅礴如屏障

南康志屏風寺即余峰菴在屏風山北宋淳熙間僧

太虛翔兵廢我皇明成化初僧廣玉重建

山疏悟泉在屏風寺側

西古山師林嶺象山

耶舍塔南為西古山

舊志西古山在縣西二十五里歸宗寺南新志與雞

籠山接山疏山夷曠不奇削

西古山西南為師林嶺其下有石屋書堂

南康志師林嶺在縣西南三十里東北

舊志石屋書堂在師林嶺東崖石如屋可避風雨宋

陳準之別墅也朱文公愛之扁今名

新志陳準字正臣陳慕之子也以父陰補官年五十

即挂冠歸號清隱散人

又西南為象山其下有宋侍郎吳愈墓

舊志象山在縣西南四十里廬山之支也

山疏吳愈南渡時人官兵部正德十四年寧藩叛盜

發其竈盡取所藏珍異以去南康守羅輅求遺骸不可得得其絲絮為之納諸竈中而拚之

又西紫霄峰

余峰東北為紫霄峰漢陽南諸峰之首也上有石室禹

刻

水經註廬山之南有上霄峰石高壁峻緬然與霄漢

連接

舊志紫霄峰一名上霄峰在余峰東北

山疏漢陽之南諸峰森森如排劍戟以走東北惟紫

霄峰最高最奇秀其上有定心石

圖經紫霄峰有石室昔大禹治水時嘗登紫霄以眺

六合望水湍因刻石於石室中

水經註上霄之南大禹刻石志其里數丈尺今猶得

刻石之號焉

潯陽記紫霄禹刻字大如掌隆然隱起

一統志紫霄峰石室極深險人不可至有好事者縋

而下摹得百餘字字奇古不可辨惟洪荒漾予乃攬

六字可識云輿地志摹七十餘字山疏今不知石室

所在

南康志秦始皇漢武帝南巡狩時亦嘗登紫霄

山疏考一統志與九江府志所書上霄峰石室禹刻

及始皇漢武事與紫霄略同蓋一事而兩書之也

朱晦翁紫霄峰詩此日登高處千岩錦樹稠無人朝
落帽有客賦悲秋忽忽塵中老匆匆物外遊江湖空
極目不盡古今愁先帝南巡時亦嘗登紫霄
紫霄之下有扁底池

舊志扁底池在紫霄峰後十餘里山麓今不賦可室
集僊傳王敦據武昌將叛許遜吳猛郭璞欲說止之
璞先以讜言見殺敦又欲殺許吳許吳心知之欲去
不可乃擲杯為鶴迴翔梁間衆懼咸仰視之許吳遂
隱去至江上問舟欲東適舟師無與共持舟者不得
行許吳曰第具舟吾為若行之乃以兩龍挾舟騰上
縹緲行虛空中戒舟人無竊視遂東至廬阜之上許

吳因欲觀上霄之勝稍卑之舟兩舷戛木槭槭有聲
舟人疑而窺之龍怒委舟去舟遂墮於上霄之巔摧
碎惟扁底存焉今扁底池其遺跡也許吳乃授舟師
丹訣使隱上霄後成地僊

豫章記吳猛以二龍負舟一宿至宮亭湖

棲隱洞

舊志棲隱洞在紫霄峰側道士譚紫霄居之

真僊通鑑紫霄泉州人龜形鶴步口角有吉字為玉
笥道士遇異人有所得闕王昶師事之封正一先生
月給精沉焚燒火半熾即沃以蘇合油闕去隱廬
山棲隱洞南唐後主召至金陵賜號金門羽客并紫

金不受開寶六年卒

江南野史嘗有僧翔亭於溪澣惡頑石為礙欲去之用力甚多而不能平紫霄曰此易易耳結印嚙水命斧擊之石應手如粉

陳貺隱居

山疏陳貺者閩人也南唐時與叔陳阮隱紫霄峰下力田自食踰三十載學者師之後徵至金陵且官之固辭不受賜粟帛遣歸隱居今不知處

謝景僊隱居

山疏景僊宋人謂紫霄乃董奉所居故結廬焉今廢柳宏書堂

南康二志柳宏建昌人舉進士為江州惠化令過廬山愛之後官九卿歸築書堂於此今柳公菴其址也有池曰故里池亦宏鑿山疏九江志名宦傳德化令無柳宏惟有柳寵其鄉里科第官品所至與歸休築室事並同惟名異疑其為一人云

崇善觀

南康志崇善觀在紫霄峰下女真楊保宗之所居也今廢

真僊通鑑保宗不知何許人及笄許聘矣忽有悟去為道士入廬山崇善觀却粒煉形南唐元宗聞之詔赴闕引入禁中見諸嬪御賜紫衣金錢諸嬪御兢施

服玩珍珠綵繡數逾千萬詔新其宇尚書郎韓熙載
撰記賜額曰真風觀又詔臣下作詩送之保宗慕蔡
尋真李騰空之為人亦能以丹藥符籙拯人疾苦暇
則至屏風疊南北瞻禮二祠保宗老而有少容既歿
貌如生舉棺甚輕蓋尸解云山疏崇善觀始於梁武
帝大同初歷四百年無聞人至保宗始顯盛南康志
云真風觀陶淵明陸脩靜謝靈運嘗遊非是

吟藝集真風觀記盡載當時施財諸嬪御姓氏其稱
大寧公主永嘉公主者李景女也

先天觀

南康志先天觀梁大同中鄱陽守李支江建

圖經南唐元宗徙豫章彌節先天觀立碑紀功德徧
刻諸嬪御姓氏於碑陰觀今廢

黃洞源菴

山疏黃洞源者桃源洞人也善道術効治鬼神號三
洞法師時有童子瞿栢庭以造異境得僊洞源慕之
乃行求靈域得紫霄峰下石壇築菴居之亦覲有所
遇已而無所遇又遷茅山其徒蕭冷然忽見栢庭問
黃尊師無恙乎歸以語洞源源曰吾且去矣翌午
遂逝洞今不知處

唐楊衡紫霄峰贈黃僊師詩紫霄不可涉靈峰信穹
崇下有瓊樹枝上有翠髮翁雞鳴秋漢側日出紅霞

中璨璨真僊子執旌為侍童焚香杳忘言默思含太
空世華從熠燿虛室自朦朧雲飛瓊瑤圃龜宿芝蘭
藜玉籙掩不開天窻微微風茲焉悟佳旨塵境亦幽
通浩淼臨廣津永用挹無窮

李道冲菴

舊志道冲潯陽人不茹葷酒傳法籙於異人結菴紫
霄而講莊老忽語人吾欲遠遊且不返衆未悟兢沮
留之及午而逝

有水抱紫霄而下曰鸞溪其下有鸞溪橋

山疏初宋元豐間真淨文禪師任歸宗時濂溪周先
生自南康歸老蓮花之麓黃太史以書勸先生與之

游甚力故先生數至歸宗因結青松社若以踵白蓮
社者因名寺在之溪曰鸞溪以擬虎溪志謂山似鸞
形故名鸞溪非也

黃山谷荅濂溪書公既在湓城可那工夫過山致敬
歸宗文老真實道人不易識只須高着眼餘冬緒論
山谷以致敬文老為濂溪勸豈真具眼能識濂溪者

哉

王文忠公禕曰世謂先生傳聖賢千載不傳之統豈
其有取於佛氏之徒而顧從之游甚者謂先生之學
受於壽岩佛此又厚誣吾先哲者也夫大賢君子其
於道既有得矣其於形迹未嘗以為累也况先生曾

次如光風霽月將何所不容邪淳熙中應菴華禪師
任歸宗朱夫子時為南康守常與之游亦不以異端
而擯之云

桑喬生曰往在宋時紫霄之下佛老之宮以十數遊者
得躋攀焉今諸寺觀盡廢獨餘歸宗靈溪又皆不振樵
採日至山益童赤其平土人益斥以為田即杏壇遺址
亦田乃賢於佛老之宮多矣然以是好奇之士亦罕有

登紫霄者

封家山雞籠山白雲峰直梭峰起雲峰金雞峰

紫霄之南為封家山又南為雞籠山有泉曰潮泉

山疏雞籠山在封家山南中斷而別起雄雄然若削

壁臨人所行道

舊志山有二石赤白望之若雞籠然故名

郡國志江州雞籠山上有石雞冠距如生道士李鎮
居山下常賞玩之一日雞忽無故自毀裂鎮曰雞既
如此吾何以全頃之果卒

山疏潮泉在雞籠山澗中張僧鑒潯陽記雞籠山澗
有數十處累石若出人力水嘗深尺餘朝夕輒有湧
泉溢出如潮皆刻不爽朔望尤大號潮泉

封家山東為白雲峰

舊志白雲峰在紫霄東南峰特峻上有瀑布泉白雲
洞洞常有雲氣出焉

黃龍砦在白雲峰北麓元末時里人結砦自保處也
今廢

白雲峰東北有二峰曰直梭峰曰起雲峰亦名摩雲峰
舊志直梭峰在白雲峰上

起雲峰在白雲洞東高插雲霄雲氣所常出也

白雲峰東北為金雞峰其側有雞石關金雞洞

梅溪集簡寂觀後有金鷄峰

山疏雞石關在金雞峰麓雞石者有石如雞峰之所
由名也雞石之逕濶不盈尺下臨絕壑行者攀緣仄
足而進負薪者肩不得易云

金雞洞在金雞峰側俗呼為洞子門

天南砦在金雞峰麓與黃龍砦並峙雞石關以為險
阨今廢

簡寂觀

金雞之支南行崛起為大山曲抱中豁一區簡寂觀在
焉山東與香爐峰鄰兩山之間為香山之坳

山疏簡寂觀者道士陸脩靜之居也脩靜字元德吳
興人宋大明五年始來居廬山明帝時召至建業立
崇虛館以居之而曾儒釋之士講道華嚴寺脩靜固
求還山不許頃之卒封丹元真人脩靜行嘗携一布
囊死之日其布囊乃懸於廬山舊隱之樹杪焉
脩靜演經臺禮斗石在觀內石上履跡猶存錢聞詩

禮斗石詩料得一心同七曜四時常運紫微垣
放生池浮來石在觀後搗藥臼在觀後大澗濱今堙
塞

石劄連理二大字在觀前朱晦翁詩在觀內

述異記陸脩靜太始七年率衆建三元露齋太真上
倉無上錄經凡有生之域清少濁多穢障相纏善行
不立邪氣來侵強魔牙試上學之人齋戒存思禁隔
囂塵非類之物唐突去來皆是穢濁當擇日齋戒佩
破淹之符以昇玉清

夢溪筆談觀有陸脩靜所植苦竹而筍味反甜歸宗
寺造鹹齏而味反淡蓋山中佳物也歸宗總老言廬

山有句云簡寂觀中甜苦筍歸宗寺裏淡鹹齏王十
朋詩參禪得味鹹齏淡學道忘憂苦筍甜

簡寂觀西有東嶽廟

石劄宋晦翁岱宗二大字

山䟽度僊橋在東嶽廟西煉丹井許堅真人晒衣石
並在度僊橋西簡寂源在丹井側

白雲朝真二館宋道士侯用晦之所居也並燬舊志
用晦嘗見異人淬劍求得其祕因遂深隱後死山中
簡寂觀側有二瀑布水

山䟽瀑布水在簡寂觀北有石花魚大者三數斤

黎崩紀游集東瀑自遠奔注激石若雷西瀑懸崖傾

瀉散珠噴玉

韋應物簡寂觀西澗瀑布下作
淙流石壁散虛煙翠
澗深岩際松風起
飄飄瀉塵襟
窺蘿玩猿鳥
解組傲
雲林茶瓜邀真侶
觴酌協同心
曠歲懷幽賞
行春始
重尋聊將橫笛吹
一寫山水音

舊有錦香閣可望二瀑宋趙良燻有詩今廢

二瀑之側有布帔巖

舊志上有布帔巖

山䟽布帔岩今不知所在疑卽脩靜懸袋樹杪處也
今道士以觀前一小石當之其高纔二三尺橫卧地
上培塿不足以名岩似誤

度僊橋東有張公嶺

山䟽張公嶺在簡寂觀東南與洪井山近

簡寂之僊二人曰許堅曰錢朗

舊志許堅字介石布裘道者也唐末居簡寂觀死金陵
陵久矣宋景德中兵部侍郎陳靖遊廬阜堅出謁於
洪井山談甚洽靖後至金陵乃聞其已死焉山䟽漢
上朱震子發易解曰种放以河圖洛書傳李溉溉傳
許堅堅傳范諤昌諤昌傳劉牧益景德中堅尚未死
云又廬山隱者李潛序麻衣道者正易心法言得之
廬山一異人或曰卽堅也朱晦翁曰麻衣易湘陰主
簿戴師愈作托之麻衣其易凡四十二章

廬山紀事卷三
真僊通鑑錢朗字內光南昌人以五經及第開成中
仕為安南副都護光祿卿歸隱廬山師東嶽廟徐道
士得補腦還元服鍊長生之術年百五十歲諸玄孫
皆皓首而朗猶少容精神如四十許人吳越王錢鏐
迎至錢塘師事之逼而傳其術他日朗忽曰適為上
清所召須去俄氣絕顏色怡暢如生異香滿室南康
志朗自錢塘還居簡寂觀久之乃死

藝文

蕭梁太子僕射沈璇簡寂觀碑夫太清奧絕上玄祕
遠存主莫究化匿無方改陵谷於崇朝變椿齡於終
食邈矣悠哉罕測其宗者矣若廼煉質歸真瑩情澗

俗控八龍而朝四聖擁三蓋而役群英就跡非神求
心在德缺而著慾滯累傷生惑性名利玩習奪志擾
心季主莫追曼倩已遠游溺難戒井甌易微自非託
隱幽棲憑高面沼聲跡絕象風馬無津觀榮落而曷
遊隱雲烟而慕遠豈能濯穢歸真因枝表實七變化
體九易移顏文生五臟花開六府奏瓊笈於紫臺披
金篆於碧室者乎三洞法師陸脩靜心懷寡慾性蓄
兼善忘為栖任誠隆闡教授裝樂土解橐靈山以宋
大明五年置館於廬山高嶺夫止煩曰簡遠囂在寂
卽義表名因心顯號前陳蠡壑積水浮天却據匡山
層巖入極瞰七澤真猶掌瞻九河真如帶物色盈眸

烟霞滿矚夕魂東引曉魄西延仰視奔星俯觀駭電
乃緣崑崙宇依平考室卽嶺成封因夷置墀聳損互
薨升降相臨峻坂六層傾途九折丹崖翠壁削刻殊
形八峰七嶺參差異色飛溜垂虹積清似素輕蘿散
霧接綠成帷春林縮錦冬崑挺翠朝嶺永嘯夕鳥攢
吟叮嚀馴塔頤頤滿袖晨桴曉唱聲彷彿其旣聞玉
闕金臺路寂寥而方啟豈直杏林重茂匡居接迹而
已哉俗滓難排靈迹易隱俄而先生托身劍杖飛迹
壺天遺文餘記盈膝委篋摘玄宗之奧旨暢秘訣之
幽玄是以通神間出參微繼軫而三芝與遠非足迹
所到九丹秘絕匪俗聽所聞故功過則遷道至斯匿

三洞弟子王道恩諳此遺塵範茲棄缺欲科述明練
餌養精淳方且浴日餐霞飛金化玉曳屣越壑聳臂
升雲常慮末俗風頽後生志弱忘跬步之致遠閤尺
木之騰空所以式鐫往訓敬詔來哲無謂世隔神路
則遐相契道術義非疇矣匡滕洞府庶契冥緣携手
神州佇伸嘉好乃作銘曰三才並用萬品俱陳造物
在象成務由人銓功等義拂命非隣倚歟先哲覩實
排資練偏返妙養脆歸真愍斯輕茵垂茲妙訣九曲
五枝玄霜赤雪援缺鳳舉託缺蟬蛻日成輪奐爰儼
裳袂羽衣優柔雲旗容裔法無難易志有浮真囂靜
係迹躁溢緣情栖岩協邃飲澗資清道基松木業著

芝瓊祛塵屏累遣受遺榮神明濟濟靈壇肅肅念薦
興翹形祇永鞠白雲宵動芳烟夜簇來駕斑龍去留
寶犢茂真長鑄清芳永馥梁天監十四年十一月立
唐保大甲寅重建

陳張正見簡寂觀詩三梁石本絕千仞路猶通卽此
神山內銀榜映僊宮鏡似臨風月流如飲澗虹幽桂
無斜影深松有勁風惟當遠人望知在白雲中

白樂天宿簡寂觀詩岩白雲尚屯林紅葉初隕秋光
引閒步不知身遠近夕役靈洞宿卧覺塵機泯名利
心旣忘市朝夢亦盡暫來尚如此况乃終身隱何以
療夜饑一匙雲母粉

宋朱文公簡寂觀詩高士昔遺世築室蒼崖陰朝真
石壇峻煉藥古井深結交五柳翁屢賞無絃琴相攜
白蓮社一笑傾夙心歲晚更朝市故山鎖雲岑柴車
竟不返鸞鶴空遺音我來千載餘舊事不可尋四顧
但絕壁苦竹寒蕭參

桑喬生曰方秋崖譏脩靜詩曰一方蒼石老莓苔只合
淵明共酒杯歲晚出山緣底事致令笙鶴不歸來其論
貞矣而未達也或問周道祖公時踐王廷何也道祖笑
曰馳情魏闕者以江海為桎梏情致兩忘卽市朝亦岩
穴耳其言達矣而未至也夫雲豈以無心而不出岫乎
其出也沛時雨以澤物其入也藏妙用以潤身是出入

皆有為也嗟嗟豈陸生所可及哉

廬山紀事卷三

[Faint bleed-through text from the reverse side of the page]

廬山紀事卷四

廣陵桑喬子木

山南自張公嶺東北行至七尖山

香鶴鳴峰龜背峰寨雲峰黃石岩雙劍峰犀牛峰香

爐峰姊妹石

踰張公嶺迤邐東北行則至鶴鳴峰

南康志峰嘗有鶴棲鳴唐鄭元素隱其下

鶴鳴之西南為龜背峰又西南為寨雲峰黃石岩又西

南為雙劍峰

山疏龜背峰梅溪集南康舊志皆謂之行龜峰其南

有石如龜所謂行龜也今人謂之蝦蟆石

寨雲峰在龜背峰西今人謂之紅石崖

黃石岩在紅石崖南白樂天有黃石岩詩

雙劍峰在紅石崖西峰峭麗乃勝於山北之雙劍朱

晦翁有同尤延之提舉詠雙劍峰詩

雙劍之西為犀牛峰雙劍之西南為香爐峰又西南為

姊妹石

山疏犀牛峰梅溪集謂之牛頭岩

香爐峰在雙劍峰西南視諸峰尤奇秀舊有黃岩砦

今廢梁江文通從冠軍建平王登廬山香爐峰詩廣

成愛神鼎淮南好丹經此山具鸞鶴往來盡僊靈瑤

草正翕翹玉樹信蔥青絳氣下縈薄白雲上杳冥中

坐瞰蜿蜒俛伏視流星不尋遐怪極則知耳目驚日

落長沙渚層陰萬里生藉蘭素多意臨風默含情方

學松栢隱羞逐市井名幸承光誦末伏思託後旌

山疏姊妹石在香爐峰西南二石娟娟如兩女比肩

立

開先寺

鶴鳴峰下有開先寺

舊志開先寺者昉自李中主景後廢至我明洪武初

僧清江復建永樂中僧智勝正統中僧道嵩繼脩天

順中僧大然請賜額

黃廷堅開先禪院脩造記中主年十五先主秉吳國

廬山紀事卷四
柄鎮金陵畱中主與宋齊丘參廣陵政事中主年少
好文無經世意慕物外之名問舍五老峰下有野夫
獻地焉買之萬金以為書堂及即位以為寺以野夫
獻地為已有國之祥故名開先及中主遷洪都蓋嘗
彌節故榻與畫像存焉太平興國二年賜名開先華
藏

中主讀書臺在寺後世以為李後主者既誤以為梁昭
明者尤誤開州王泰公齊跋南唐後主李煜嘗從父
景徙豫章築書堂鶴鳴峰下俗誤以為梁昭明讀書
臺謬附郡志妄形題品迺據馮節度記改正之如此
山疏王公濟知非昭明而不知非李煜是目察秋毫

而不見其睫也五代史李中主景遷都豫章畱其子
煜使守金陵明年中主殂遺命煜即於金陵嗣位煜
上宋太祖表亦云畱居建業正儲副之位分監輔之
權曷嘗至豫章哉臺今廢有遺址存

朝涼亭在讀書臺側今廢

聰明泉出朝涼亭遺址下石竇中旱則流潦則竭泉
乃甘於瀑布泉寺僧皆取食之然茶經不載

鎖劍亭招隱一山二橋俱在寺前

石劔七佛偈黃山谷書在讀書臺側崖半王守仁題

識正德己卯六月乙亥寧藩宸濠以南昌叛稱兵向
闕破南康九江攻安慶遠近震動七月辛亥臣守

仁以列郡之兵復南昌宸濠擒餘黨悉定當是時也
天子聞變赫怒親統六師臨討遂俘宸濠以歸於赫
皇威神武不殺如霆之震靡擊而折神器有歸孰
敢窺竊天鑒於宸濠式昭乎皇靈嘉靖我邦國正德
庚辰正月晦提督軍務都御史王守仁書從征官屬
列于左方在讀書臺宋米元章青玉硖三大字朱端
章廬山二大字周堯風泉雲壑四大字福祿壽三大
字與明喬宇瀑布泉三大字林廷玉古今竒觀四大
字張寰濯纓洗耳噴雪奔雷八大字俱在青玉硖郡
守青田趙與志寶祐戊午禱雨來此十五字在龍池
側餘刻甚多皆蘚剝不可識王禕遊開先寺記昔淳

熙中南康守禱雨龍池而神龍見事具石壁所刻題
誌中又石上多題名石麤字畫淺初不可辨掬水沃
之乃見大率宋南渡後人其人無聞者居多可識者
十纔二三君子惟植節砥行乃可不朽苟不出此雖
托名貞石未久人不識也

開先之僧紹宗禪師清燿禪師照禪師暹道者宗禪師
行瑛禪師凡六人

山䟽初開先之始建也了山紹宗和尚實主之南唐
李中主遷豫章幸開先請紹宗上堂僧問何為開先
境曰一條界破青山色何為景中人曰拾枯松煮布
水

佛印了元禪師住持開先時手植松若干株於寺前
株皆大數十圍蒼翠鬱然甚壯觀其後僧南楚越盡
伐之去別建一寺俄而焚燬識者謂有數云

藝文

南唐馮延巳開先寺記皇上卽位之九年詔以廬山
書堂舊基為寺寺成會昭義軍節度使馮延巳肆觀
於京師上賜從容於便殿語及往事顧謂曰廬山書
堂已為寺矣朕書堂之本意卿亦與知頗記憶否對
曰陛下真誠懸日月微臣固陋何敢忘之昔在吳邦
唐運中缺陛下齡方志學龍潛鼎司洪惟聖心邈焉
高蹈咳唾權政疣贅經綸慕崆峒之師幾勞軒拜聞

富壽之祝亦固堯辭注念煙蘿每懷宴息因尋爽塏
之境以備華胥之遊匡廬天下之名山江表之勝槩
圖志具載僊靈咸棲果有潛夫來獻茲地已酬善價
遽闢重基纔俾芟除未遑畚築旋則中興在運夏物
重歸陛下位屬元良務煩監撫寢門鷄唱方視燠寒
嵩高鳳鳴寧諧好尚逮乎出震嗣服雖欲從之巢父
之蹤其可繼耶堯舜不得已而治天下豈虛言哉方
今陛下日照天臨風行草偃勤儉以化焦勞思理求
賢草澤盡善于百王推公友于邁德于千古蟲蝗殞
于靈雨旱歉轉為豐年大信旣孚四方後后威惟取
亂仁實懷柔所以建水僭稱肉袒而詣吏楚邦亂略

卷四
五
俛首而來朝矧彼長沙恃險與固隔絕聲教五紀于
茲一旦砥平易于反掌兵不血刃市不易肆拓土宇
于數千里復正朔于四十州可大之功冠乎史冊猶
且納陛軫慮馭朽兢懷物暢皇猷民知王度洋洋焉
蕩蕩焉混一車書豈遠乎哉言未及終上曰皆然矣
抑朕又聞古先哲王握圖御宇惟德是務與善同歸
俯仰抑揚不失其正久于其道而天下化成恒沙如
來出世濟俗依空說性性外無空信則脩崇悟則解
脫始乎正法終乎象教使人趨清淨之域息貪競之
心民用以淳理道何遠是則菩提之教與政通焉朕
以此寺基是朕思欲遜世之地棄之則草莽可惜構

之則棟宇無名不若建興伽藍以居僧衆示人至理
亦助化之一端其窅置之規奢儉之度續用之費卿
復知耶延已對曰起置之始適已上奏肇乎程土工
度山木豫章之財間出般輸之藝屢獻運斤若雨荷
鍾如雲力不勞于中民財不傷于外府歲月未幾厥
功已集駭多寶之湧出疑化城之爰然邃殿正門重
軒複檻高墻虬轉脩廊翼舒香厨旁開僧房內闢法
筵清淨宛是祇陀之園方丈精嚴更類維摩之室撫
菩提之地位儼如來之相好功成敏手則塑像如生
妙屬良工則丹青若活而况依林附麓左崑右壑瀑
布懸吕梁之勢凌雲挺閣岫之形溪徹滄江表法流

之不斷峰開石鏡同慧日之長明其或寥沉雲收戶
庭雨霽鐘鳴谷響猿啼樹深仰止則峻巘連空爲望
則長川無際僧閒境寂似出世間信有爲之勝因實
安禪之嘉所足使迷者得于陸之漸達者得不二之
門苟非聖人用心其孰能與于此乎上曰卿知其始
也旣如彼其末也又如此則文以記其事非卿而誰
延已對曰臣才學本空筆硯久廢雖然盛德之事固
願歌詠慚匪當仁曷符不朽乃跪而進頌曰彭蠡之
陽廬山峻峙積純和氣竦撐天勢峰連竒秀谷藏靈
異鶯洞之前勝復爲最懿乎我后河漕運契仁聖文
明肅恭敬畏堯舜其心巢父其志思憇大廷因開福

地帝出乎震龍飛在天梯航合運符瑞駢闐推公固
本舉正求賢九功旣叙七德俄宣貞師一奮建人來
庭神兵再發楚邦蕩平威震四海疆開百城日新之
盛無得而名恢恢睿謨游刃多餘乃思是境昔擬華
胥夙心不獲締構猶虛改名梵宮俾奉真如蓁蕪旣
闢棟楹崛起雕甍繡櫺重欄疊砌後倚崇崖前臨無
地屈曲延袤高低迤邐炳煥丹青端嚴塑像表上乘
法示人天相清衆晝閒禪關夜敞十二類生孰不瞻
仰聖君旨趣古佛因緣教化之本治平之原其功莫
量其福無邊皇圖帝齡永永萬年保大十二年正月
日立石

日立石

開水華苑聖訓並出大德門志卷之四

廬山紀事卷四
黃山谷開先華藏禪院脩造記夫沙門法者不住資
生行乞取足日中受供林下託宿故趙州以斷薪續
禪牀宴坐三十年藥山一日不作則不食今也毀中
民百家之產而成一屋奪農夫十口之飯而飯一僧
不已泰乎夫不耕者燕居而玉食所在常數百是以
有會昌之籍沒窮土木之妖龍蛇虎豹之區化為金
碧是以有廣明之除蕩可不思耶

皇明李夢陽開先寺詩讀書臺倚鶴鳴峰迴合千山
翠萬重白晝懸泉喧霹靂清秋雙劍削芙蓉撐持古
寺還雲閣寂寞前朝自暮鐘瑤草石壇應不死興來
真欲跨飛龍又宿開先寺詩僧閣暮鐘靜夏涼風色

幽月出照瀑布猿啼西澗流

參政朱應登陪喬侍御自白鹿洞遊開先寺詩鹿洞
意以愜龍池渴未消還隨持節使重過濯纓橋涉水
涼生襪捫蘿翠染綃行行渾不倦去去卽非遙路轉
山交股峰迴草沒腰險中頻却馬狹處僅容輶異跡
多存古幽期自遠囂石眠聞晉史臺隱記梁昭泉似
中天落雲凝萬壑搖南風清泱曖西日下岑寥選勝
欣初霽探竒遂詰朝浮嵐頻近眼五老若為招

桑喬生曰廬阜之南僊佛之宮以十數開先最勝勝乃
在諸峰瀑布開先雖平麓然諸峰瀑布可指顧而盡又
去府城近士大夫舟車易往來諸他菴寺雖竒然僻在

山腹中邃險好奇者或間至焉亦不能數矣

黃岩寺

雙劍峰下有黃岩寺

山疏黃岩寺唐僧智常建

文殊塔在黃岩寺南下塔前有定心石舊志謂之四望石

劉軻黃石岩禪院記庚辰歲山客劉軻採拾怪異自麓至頂却下半里餘次于黃石岩岩中有棲禪子不知其幾臘乃贖其輕重頗見其宅心之地乃問其住年但手指松桂云毫髮我植今環人臂鳥飛兔走吾復何齒矧卯戌之昏旦霜炎之凍炎生落之榮頽去

留之沿沂雖云云自彼而於我蔑如也於戲向非巖房峭絕孤峙則人境兩失其宜也復何言哉觀夫烟雲雜乎履鳥嵐靄生于襟袖群形浩擾併入眸子每至烟雨初霽山光澄練泠泠僊語如在耳右况又聳凌兢上冥冥焉知不能與洪崖接袂浮丘連駕盈縮造化吐納灑氣絕慚容于厚面遠喧卑之臊穢乎不得而然者蓋鉤也餌也名為利鉤利為名餌吞鉤食餌手足羈鎖彼焉得跳躍于此乎夫禪子脫去桎梏四肢宣展動與雲無心靜將石何幾物我一致端邪徑塞僕所謂非斯人不能住斯境也禪師宜春人俗姓劉名常潯人以師久住遂以其姓易其巖名云

香爐峰麓有李太白書堂

山疏李太白書堂在青玉峽西一里所今廢白蜀人也嘗讀書于蜀之大匡山其後供奉翰林不合而歸又讀書于潯之匡山杜子美贈白詩曰匡山讀書處頭白好歸來是也白善為歌詩連類引義宏肆俊偉殆騷人所不及近世所未有蘇子瞻嘗恨白集為庸俗所亂近唐詩紀事又載左綿邑人所哀白少年詩若干首皆淺俗可笑讀者自可別其偽云

瀑布泉

鶴鳴龜背之間有馬尾水雙劍之左有瀑布水瀑布之下有布水臺又下有青玉峽龍池龍池南下有小池曰

浴僊池

山疏漢陽之頂多瀆泉趵突播流西為康王谷之谷簾泉而東為開先二瀑二瀑同源異流其在東北者瀉出鶴鳴龜背之間曰馬尾水水勢奔注而崖口窄隘迫束噴散數十百縷如馬尾然其實亦一瀑也其在西南者則自坡頂下注雙劍峰背邃壑中匯為大龍潭繞出雙劍之東下注大壑懸掛數十百丈曰瀑布水水循壑東北逝與馬尾水合流出兩山山峽中下注石潭石碧而削水練而飛潭紺而淵為開先佳境後因名其峽曰青玉峽潭曰龍池云二瀑俱奇觀而西瀑尤勝方冬泉脈微循崖而流涓涓然如一綫

春夏汎溢直落霄漢間裊裊如垂匹練日光灼之粲爛如黃金色條為驚風所掣則中斷不下久之忽飄入雲際如飛球捲雪迸珠散玉瞬息萬狀

周景式廬山記瀑布水在黃龍東北數里土人謂之泉湖水出山腹中掛流三四百丈飛湍出林表望之如懸索水所注處石悉成井深不可測

文與可妙明菴記棲賢石橋為混沌之所設般工能之開先瀑布不可量其高遠奔騰傾瀉若決銀河此天下之絕觀世間不復更有矣

山疏山上下龍潭以十數惟雙劍峰背大潭深不可測神龍時來居之來則雲陰旋合屯潭上不散者久

之其去莫測也龍在則時時洗潭其洗潭即湧水雖晴霽亦暴漲騰湧混濁積穢墮梗皆隨流去不遺王禕遊開先寺記予以三月二十六日雨霽同諸君往遊時瀑水方怒瀉奔騰盪激聲震萬雷令人心怖神奪股栗不休雖諸君拍手譁呼大笑然水聲瀕洞呼笑聲亦不之聞也寺僧云龍適洗潭矣

布水臺在瀑布泉下五燈會元唐先天元年道明禪師得六祖慧能開發了悟本性即往廬山布水臺住三年方之袁州

南康志龍祠在青玉硤石壁間後廢宋乾道間郡守李亦脩又廢我明正統中僧南嶽崧復脩又廢

石亭集舊志龍池水支流石間宋僧若愚鑿大石渠長丈承以石柱聯絡數十引水過漱玉亭龍井入僧厨注大石槽中以給庖湍溢則散流山下其後稍損折代之以竹

山疏龍井者僧當水所行道鑿石為池曰龍井亭於其上曰漱玉亭水瀉龍井中泠泠有聲今並堙廢而於其上別立小石塔以當之無復漱玉之勝矣蘇東坡有漱玉亭詩王禕遊開先寺記由寺至亭可二百步由亭至硤口僅數十步自遠觀之瀑布出自兩峰間如瀉天半由近而觀則二瀑下注匯為重潭潭水出石硤乃為溪循山足東流以入于彭蠡當硤口仰

望但見水從潭中出巖谷回互二瀑所從來不復可見矣龍池東南舊有萬竹亭今廢

紀事白樂天刺杭州時徐凝張祐並希首薦樂天試長劍倚天外賦餘霞散成綺詩解送凝為元祐次之祐曰予甘露寺詩日月光先到山河勢盡來金山寺詩樹影中流見鐘聲兩岬聞雖綦母潛塔影挂青漢鐘聲和白雲未足為佳也凝曰爭如老夫廬山瀑布詩今古長如白練飛一條界破青山色耶凝遂擅場蘇東坡志林徐詩至為塵陋世人又偽作樂天稱賞語樂天雖涉淺易然豈至是哉因戲作一絕帝遣銀河一派垂古來惟有謫僊詞飛流濺沫知多少不為

徐凝洗惡詩詩話東坡以徐凝為惡詩然太白銀河落九天猶未免凡近也

唐詩紀事繆島雲瀑布一聯云白鳥遠行樹玉虹孤飲潭曼出前輩為時所稱島雲初嘗為僧詩尚奇險石不辭勞地遠方知出處高宣宗應聲曰溪澗豈能畱得住終歸大海作波濤葉知非常人云

李夢陽觀瀑布賦空炎陽以北邁今遡敷原之上疆遵嶽南而遐陟今廓晴流而志揚日旒旒以景旟今嶰崎嶇乎微行峰吞吐而迂余今嵐押翕而颺路超歸宗以翹盼今觀開先之瀑布誌前記而髣髴之今

眩飛空之孤形誦銀河之逸句今精陟天而九征挾巖潭以上氣今接神漢而並垂積雲左右以傳彩兮霞表裏而秀姿沫霏霏之晝霧兮崖丹翠滌而蕤蕤光金黛而亘霄兮浩呼洶之湧湧龍朝帝以潮從兮虹為梁之總總鞞若華以西曜兮東扶木兮倚明星辰涵而布錯兮岳瀆影之其中絢練恍惚百恠潛兮勢明晦而無恒諦之若住忽奔噴兮石雷壑而驟崩經香爐以熨紫兮破雙劍而水攢踰黃巖以珠迸兮籠玉殿而金烟濯炎女之玄髮兮苔離根而永生掛洞宮之幕幕兮隱芝箭而懷清沸混混之爛爛兮颺瑟馭而涼風泉滾滾而安竭兮孰尋源而卒窮恣劃

割以緜紛兮渥華巔而分派水簾亞之揚兮靈終古
而并戴巍嶽岑而上行兮疑質違而性非蒙井厥流
常兮譬鉞顛而血隨吞日月以膏顏兮震雲氛之翼
翼江海巨而昏墊兮哀趨卑而罔直體融陰而內陽
兮準坎離而向背嚴不蓄類迺澤物兮醜彭蠡之汪
濊浮朱鳥之寒景兮爭龍騰而攄掣勢高者韻斯宏
兮谷哨啄而坤坼赫翩翩以條助兮小雁蕩而不賜
露霜霾而離離兮處遼域而孰之惻怒琇罕以思逞
兮石岫峿之惻惻晴電追而霆爨兮信駭觀而搖臆
猿纍纍以竊窺兮倚石鏡而吹嘯燭焯灼的樂校
兮類至人之懸照肸颯而造徠兮翔太始而畱耀歌

曰造龍池而缺之兮窈瀑布之肇踪巔湧而壑射兮
誠神靈之攸鍾轟邇惑而遐暝兮壯二儀而永效磬
鬼怪避鑑鑒兮微濕孰以察逝者之高妙伊動者必
定兮潭窅沕而淵峯礫之灑而寧之清兮厥金水之
共質亂曰相彼山泉滂瀉澶漩匆谿朋連洵遵科以
造海竟隨流而泯瀾覩厥瀑之靈詭反群託而背誹
吾苟若天地以遺聲跡亦奚暇校高下與狐疑
皇明王禕遊開先寺記六月十日余被召將赴京因
與郡人段謙曹元同遊開先汎湖過落星始遵陸而
前僧志一光應來迓乃與二僧携手行至招隱橋坐
橋上橋在寺前五十步卽龍潭水為溪所經也橋西

東松杉楓杞蒼翠掩映從樹底望鶴鳴諸峰高出樹
杪僅尺許隱然如畫圖中見又從樹隙見巖上採薪
人衣白大如粟初疑白石耳有頃漸動移乃知其入
也橋下流水觸石灑灑鳴塵慮俗想蕩滌殆盡久之
不能去志一請予詣龍潭下是時久不雨瀑布流且
絕余指筭中水曰此水一耳何必往是夕夜半雨大
作比曉應叩門告曰瀑布流如故矣余欣然攬衣起
倚欄睇視良久日初出紅光照香爐諸峰諸峰紫靄
猶未斂光景恍惚可玩不可言也

唐張九齡瀑布泉詩絕頂有瀑布喧喧出塵杪不知
幾時歲但見無昏曉閃閃青崖落鮮鮮白日皎飛流

濕行雲濺沫驚飛鳥雷吼何噴薄箭馳人窈窕吾聞
山下蒙今乃林巒表性情有詭激坤元合紛矯默坐
置此去變化誰能了又湖口望廬山瀑布泉詩萬丈
紅泉落迢迢半紫氛奔流下雜樹灑落出重雲日照
虹霓似天清風雨聞靈山多秀色空水共氤氳

李白瀑布泉詩日照香爐生紫烟遙看瀑布掛長川
飛流直下三千丈疑是銀河落九天又瀑布泉詩西
登香爐峰南見瀑布水掛流三百丈噴壑數十里歛
如飛霓來隱若白虹起初驚河漢落半灑雲天裏仰
觀勢轉雄壯哉造化功海風吹不斷江月照還空空
中亂濛射左右洗青壁飛珠散輕霞流沫拂穹石而

我遊名山對之心益閒無論漱瑠液且得洗塵顏但
諧夙所好永願辭人間

桑喬生曰廬山上三石梁據張正見簡寂觀詩三梁石
本絕梁元帝廬山碑東瞻洪井西望石梁則三石梁當
在簡寂觀之墟而李太白有銀河倒掛三石梁之句元
李洞言開先寺上有三石梁橫絕青冥窅不見底則似
在開先之後舊志但云在縣西三十里而一統志九江
南康二府新志於上霄紫霄二峰皆言有石梁黎景高
又云在五老峰上夫三石梁為廬山絕景其竒詭尤在
疊泉瀑布之上天台一梁猶可擅美况三梁哉數公旣
皆名筆又嘗親至廬山黎景高李漑之又同時人而所

云各殊何也乃今遍訪鶴鳴五老與紫霄之西杳無所
謂三石梁者豈諸所云云皆空言哉姑記所疑於此

洪井山

香爐峰南有小山是為洪井山其下有丹井善政源

山疏洪井山在東古山觀音岩西北隅香爐峰之支
也相傳葛洪真人鍊丹處其下有丹井

善政源在洪井山下源石池也不涸不溢多菰草

或曰洪井者洪厓先生所隱處非也洪厓有二其一
伶倫三皇時得僊號稱洪厓先生正神僊傳所記與
衛叔卿遊於華山郭璞詩所謂右拍洪厓肩者也其
一唐張盩晉州神山人隱姑射山開元十六年嘗至

洪州救疫亦號洪厓先生然古洪厓所得道處在豫章後人於其地立祠祀之因並祀氾豫章古今記所載洪厓洪井鸞岡風雨池皆豫章地非此山事

南唐李中主遷豫章時嘗幸洪井山

東古山鳳凰山清流菴錦屏山石照山

鶴鳴之南有山四曰東古曰鳳凰曰錦屏曰石照鳳凰之上有清流菴

一山疏東古山在縣西南十里山與鶴鳴龜背鄰其麓有釣臺

舊志鳳凰山在縣西南十里山蜿蜒特起五十餘丈湖漲則山若浮而高如鳳翔一名流星山

山疏自鶴鳴東走並彭蠡至南康別有山曰錦屏山其下有錦屏鋪山與東古西古黃龍諸山聯絡非九疊屏

南康志石照山去縣西十五里潯陽記石照山有圓石依崖明淨如懸鏡然

遷鶯谷鼓子岩慶雲峰

鶴鳴之東有遷鶯谷谷有何乾曜墓

山疏鶴鳴龜背當漢陽東南徼龜背當徼下鶴鳴居徼東為漢陽東隅諸峰之首山勢北趨而稍東盡乎瘦馬嶺而七尖胡鼻五乳諸山皆屬焉

舊志遷鶯谷竹木深茂有水泉

唐何乾曜不知何許人仕為侍郎後隱廬山卒葬此
谷舊志謂之遷鶯谷上有鼓子岩

遷鶯谷上有鼓子岩

山疏鼓子岩舊志謂之古寺巖在鶴鳴峰東遷鶯谷
上其下有鼓子岩今廢

舊志初至正己亥盜邢萬戶陷南康據之半年所南
康儒士黃虞史周機等以義兵復之已而兵敗皆見
殺無何江西僉事韓準至邢萬戶遜準尋去廬山岩
將張野鷄來據之陳友諒至南康野鷄降辛丑八月
我兵下江州遣同僉邵伯忠招撫南康野鷄遜而西
其後友諒敗亦見殺野鷄不知何若將或曰嘗駐鼓

子岩云

鼓子岩西南有李驥山

山疏山四高而中下亦昔人所立若處

鼓子岩東北為慶雲峰

山疏慶雲峰他冊籍皆不載土人亦云無是峰廼獨
載於李夢陽遊山記意必別有所據亦或因其峭麗
而特名之如郎官湖耶抑亦以慶雲菴故遂名之慶
雲耶姑載之

萬杉寺

慶雲之下有萬杉寺

舊志萬杉寺者故慶雲菴也宋景德中僧大超有戒

廬山紀事卷四
行受知仁廟嘗即山手植杉萬本天聖中賜今名并
御書金僊寶殿額後兵燬舊有慶雲暖翠二亭亦燬
洪武四年僧德昭重建二十六年設為講寺叢林今
漫廢

山疏三分池在寺後池水出於山椒寺僧作石龍首
引水出龍口中下注池石水跳躍如珠因更名散珠
池亭其上曰散珠亭並廢

萬杉之名僧二曰壽堅禪師曰紹慈禪師

石劉相傳萬杉石劉甚富僧皆踣而瘞之惟宋仁宗
國泰清淨四大字槐京包篆龍虎慶嵐四大字存焉
在寺之後山

程史德安王阮嘗從張紫微孝祥學詩紫微罷荊州
歸與阮偕遊萬杉紫微大書二章曰老榦參天一萬
株廬山佳處著浮圖祇因買斷山中景破費神龍百
斛珠莊田本是昭陵賜更著官船載御書今日山僧
無飯喫却催官欠意何如阮憮然不滿曰先生氣吞
虹霓今少卑之何也紫微不復言別纔兩句而得湖
陰之訃紫微蓋於此絕筆焉阮是時亦有詩曰昭陵
龍去奎文在萬歲靈杉守百神四十二年真雨露山
川草木至今春紫微大擊節自以為不及阮而阮又
過萬杉題碑陰曰碧紗籠底墨纔乾白玉樓中骨已
寒淚盡當時聯騎客黃花時節獨來看亦紆徐有味

廬山志卷四
二十九
云潯陽舊志王阮字南鄉韶曾孫也少好學尚氣節
隆興初進士對策極言宜遷都建康以圖進取紹熙
中知濠州脩戰守具金人不敢侵改知撫州韓佐胄
聞阮名特命入奏對阮對畢即出關佐胄大怒批旨
予祠遂隱廬山

朱文公萬杉寺詩休沐聊命駕駕言何所之行尋慶
雲寺想像昭陵時門前松逕深屋後杉色竒空山歲
年晚鬱鬱凌寒姿當年雨露恩千載有餘滋匠石不
敢睨孤標儼相持更啟石室藏仰瞻天象垂願以清
淨化永為太平基

萬杉迤東水之大者為清泉澗

山疏俗呼青天澗五老峰以西諸水之委也水西南
行過九洪橋入於彭蠡湖

七尖山

慶雲峰東北有山是為七尖山

山疏南康志凌雲峰下有劉軻劉弁薛溉三書堂今
人無復知凌雲者疑即七尖山也

其下有劉軻書堂

山疏劉軻者徐之沛縣人也天寶之亂自淮入湘至
韶州為僧師事月華寺僧惠朗即大小朗也後居羅
浮讀黃老書從壽春楊生授春秋元和初乃踰嶺隱
廬山萬杉之東與隱士茅君游元和末登進士官監

廬山紀事卷四
三
察御史殿中侍御史秘書丞史館脩撰終洛州刺史
有文章名乃與韓柳並稱當其隱廬山時東西二
林碑記多其所撰皆不存書堂後廢為凌雲菴今亦
廢
撫言軻為僧時嘗葬遺骸其夜夢書生來謝與之三
雞卵軻嚼一而吞二後遂精儒術與吳武陵並以史
才直史館韓愈欲為文贊之會貶去不果

劉軻上座主書軻本沛上耕人代儒業為農人家天
寶末流離於邊徙貫南鄙邊之人嗜習玩味異於沛
然亦未嘗輟耕捨學與邊俗齒且曰言忠信行篤敬
雖蠻貊之邦行矣故處邊如沛貞元中軻僅能執經

從師元和初方結廬於廬山之陽日有芟夷畚築之
役雖震風凌雨亦不廢力大耨或農圃餘隙積書牕
下日與古人磨礱前心歲月悠久寢成書癖

劉軻與馬植論史書自史記班漢以來秉史筆者予
盡知其人矣言東漢有若陳宗尹敏伏無忌邊韶崔
實馬日磾蔡邕盧植司馬彪華嶠范曄袁宏言三國
志有若衛顛繆襲應璩王沈傅玄茅暉薛瑩華覈陳
壽言晉洛京史有若陸機束皙王詮詮子隱言江左
史有若鄧粲孫盛王韶之檀道鸞何法盛臧榮緒言
宋史有若何承天裴松之蘇寶圭沈約裴子野言齊
史有若江文通吳均言梁史有若周興嗣鮑行卿何

元劉璠言陳史有若顧野王傳宰陸瓊姚察察子思
廉言十六國史有若崔鴻言魏史有若鄧淵崔浩浩
弟覽高允張偉劉橫李彪邢巒溫子昇魏收言北齊
史有若祖孝徵陸元規湯休之杜臺卿崔子發李惠
林林子百藥言後周史有若柳虬牛弘令狐德棻岑
文本言隋書有若王師邵王胄顏師古孔穎達于志
寧李延壽言皇家受命有若溫大雅魏鄭公房梁公
長孫趙公許敬宗劉胤之楊仁卿顧胤牛鳳及劉子
玄朱敬則徐堅吳兢次而脩者亦近在耳目於戲自
東觀至武惠已來其間作者遺草有未行於時及脩
撰未既者聞並藏於史閣固非外學者可究予雖無
多乎哉存之視予力志何如耳

白樂天代書廬山自陶謝洎十八賢已還儒風綿綿
相續不絕貞元初有符載揚衡輩隱焉亦出爲文人
今讀書屬文結草廬於岩谷間者猶一二十人其秀
出者有彭城劉軻開卷慕孟軻爲人秉筆慕揚雄司
馬遷爲文著翼孟三卷秦龍子十卷雜文百餘篇聖
人之旨作者之風雖未臻極往往而得予佐潯陽三
年軻每著文輒來示予予知軻志不息異日必能跨
符揚攀陶謝軻一旦盡齋所著書及所爲文訪予告

廬山紀事卷四
行欲舉進士予方淪落江海不足發軔事業又羸病
無心力不能徧致書於臺省故人因援紙引筆寫曾
中事授軻曰持此為予謁集賢庾三十二補闕翰林
杜十四拾遺金部元公監察牛二侍御秘書省蕭正字
藍田楊主簿兄弟彼七八君子以予愚直常信其言
苟于今不我欺則予之道庶幾光明矣三月十三日
樂天白

劉弇書堂

通攷劉弇者廬陵安福龍雲鄉人也登元豐二年進
士紹聖詞科仕為著作佐郎侍御史卒所著有龍雲
集南郊賦氣格近西漢詩書序記祖述韓柳銘誌豐
腴規模文忠於廬陵後進足繼六一云書堂今不知
處

宋史弇嗜酒不自檢束為文辭剗剔瑕類卓詭不凡
薛漑書堂

舊志薛漑宋人右補闕登之後號書倉為南海書記
秩滿入廬山築室居之扁曰薛處士山堂後起為諫
議大夫未幾復歸山題舊隱壁曰重來閒院靜喜對
故山青時服其文雅書堂今不知處

桑喬生曰劉軻言四事利害明甚然卒不見被之設施
蓋難之也論史書述兩漢以還作者詳矣故掇其要於
篇

廬山紀事卷四
廬山青社湖其大辨書堂今不存矣
廬山大夫未幾對觀山改書劉整曰重來開別精書樓
舟前入廬山某室曰之曰轉觀士山堂及是時
廬山轉轉未入古新開登之遊後書舍為南殿書室

廬山紀事卷四

廬山紀事卷五

廣陵桑喬 子木

廬山南自七尖山東北行至含鄱口
棲賢谷

七尖山東北有大谷是為棲賢谷

山疏棲賢谷值含鄱口南三峽澗出焉廬山之谷以
三數棲賢谷為大又多奇勝人尤樂遊之云

含鄱口
棲賢谷其最北山巔為含鄱口

山疏含鄱口在含鄱嶺東南乃天池之南道口向鄱
湖而峻勢若可吞鄱湖故云

水經注嶺南有大道順山而下有若畫焉傳云匡先生所開通江道巖上有宮殿故基三以次而上最上極於山峰

山疏含鄱口南曰砦口其下曰能邪有石曰大石斗笠石

砦口東南有白龍潭水自山巔下注潭中俗謂之白水漕

白石菴

含鄱口西有寶陀羅漢二岩其水曰野人源有僧舍曰楞伽院

山疏楞伽有上下二院在能邪西今廢張孝祥有詩

院內有白石菴

山疏白石菴者宋李常公擇讀書處也公擇建昌人少與兄弟讀書菴中已而皆及第公擇以文學政事名當時蘇東坡嘗與之唱和黃山谷者其甥也元祐更化以常為三司使或言常少幹略司馬光曰使天下知吾意不惑於利

公擇在朝時以詩寄菴僧端老云煩師為掃山中石待請歸時欲醉眠然竟不克歸菴亦旋廢其後西蜀人李復亦嘗居之而易其名曰白雲菴復死亦廢其後勝國時豫章有熊處士者亦即其趾築室居焉憲幕官范祥寄詩云尚書舊隱在匡廬傳道新來事已

廬山紀事卷五
墟祠宇又令誰薦菊鬼神猶為護藏書石泉宛宛通
池細川樹冥冥映日疎為問豫章熊處士幽栖消息
近何如後亦廢

公擇既貴乃藏書九千卷於菴中以俟觀者蘇東坡
李氏山房藏書記象犀珠玉珍怪之物有悅於人之
耳目而不適於用桑麻布帛五穀之材有適於用而
用之則弊取之則竭悅人之耳目而適於用用之而
不弊取之而不竭賢不肖之所得各隨其本仁智之
所見各當其分本分不同而求無不獲者惟書乎孔
子聖人其學必始於觀書當是時惟周之柱下史聃
為多書韓宣子適魯然後見易象與魯春秋季札聘

於上國然後得聞詩之雅頌而楚獨有左史倚相能
讀三墳五典八索九丘士之生於是時得見六經者
益無幾其學可謂難矣而皆習於禮樂深於道德非
後世君子所及自秦漢以來作者益衆紙與字畫日
趨於簡便而書益多世莫不然學者益以苟簡何哉
余猶及見老儒先生自言其少時欲求史記漢書而
不可得幸而得之皆手自書寫日夜讀誦若不及近
歲士人摹刻諸子百家之書日傳萬紙學者於書多
且易致如此其文辭術業當倍蓰於昔人而後生科
舉之士皆束書不觀遊談無根此何也余友李公擇
少時讀書於廬山五老峰下白石菴之精舍公擇既

去山中之人思之指其所居為李氏山房藏書九千餘卷公擇既涉其流探其源剝其華實而咀嚼其膏腴以為已有發於文章見於行事以聞名於當世矣而書固自如也未嘗少損將以遺來者供其無窮之求而各足其人本分之所當得是以不藏於家而藏於其故居之僧舍此仁者之用心也余既衰且病無所用於世惟得數年之間以盡讀其所未見之書而廬山固所願遊而不可得益將老焉盡發公擇之藏而拾其餘棄以自補庶有益乎而公擇求余文以為記乃為之言使來者知昔之君子見書之難而今之學者有書而不讀為可惜也熙寧九年九月朔記

蘇東坡志林李公擇喜墨見人有佳墨即攘取之他日客有自公擇所來者為言公擇懸墨滿堂此亦通人之一蔽也

山疏菴舊有三賢祠以祀李公擇李公南蘇東坡今廢公南者公擇之弟李布也博學有俊才與公擇齊名時號二李東坡詩何人脩水上種此一雙玉蓋指此也布早卒公擇兄莘亦讀書菴中博學能文章然名不逮二李仕至轉運使黃水內華玉寺基北仰楞伽院鐘樓舊有崇德縣君所畫玉墨竹今不存崇德縣君者公擇之女黃山谷之姨母也善繪事黃山谷嘗為作崇德縣君墨竹詩萬壽寺

太乙峰犁頭尖山桃林山萬壽寺

含鄱口西南為太乙峰其下有老鷹崖山善餘事黃山

舊志太乙峰在廣壽院前廣壽院在行龜峰下并崇

山疏廣壽院在萬壽寺東廣水坂內峰在寺基北峭

削與眾峰殊故名太乙山南人謂之大犁頭尖章於

德勝龍潭在峰西南向人飲水土壘北一數王蓋蘇

太乙峰水東南行逕萬壽寺與眾水會於木與公幹齊

太乙峰南為犁頭尖山山疏李公幹李公南蘇東也今

山疏山南人謂之小犁頭尖

太乙峰西南為桃林山山西南與漢陽峰接並北亦屬

山疏老鴉口在桃林太乙之間長壠在桃林漢陽之

間

桃林澗水東北行逕萬壽寺與眾水會

犁頭尖山之南有萬壽寺

山疏萬壽寺唐僧惠英建後兵燬我明正統年間僧

明菴重建

寺北有百花園今廢寺南有水曰萬壽源

雨岩黎僊峰廬山寺

萬壽寺西南有山巍然高者漢陽峰也其上有雨岩

舊志雨岩在漢陽峰南黝而深晝日嘗黯黯天將雨

嘗有雲氣出其中故取傅岩之義名焉

黎僊峰

新志黎僊祠在廬山絕頂女真黎氏所棲隱處也黎
既僊去人因祠祀之其後禱雨輒應復繪像祀之祠
今廢

山疏漢陽坡上有廢塚蓋二氏居此山者所葬處也
世謬傳以為漢王塚又言其疑塚三十六寧藩之亂
南康人有欲盜伐之者以莫知孰為真塚而止

廬山寺

山疏廬山寺在漢陽坡上今廢

高僧傳晉僧曇翼宋僧慧慶道慧並嘗住廬山寺

唐劉昫虛廬山寺詩孤峰臨萬象秋氣何高
清庭際南郡出林端西江明山門二緇叟振錫聞幽聲心照

有無界業懸前後生徒知真機靜尚與愛網并方首
金門路未遑參道情

揚衡廬山寺詩千峰白露後雲壁掛殘燈曙色海邊
日經聲松下僧意閒門不閉年去水空澄稽首如何

問森羅盡一乘

鄭常送頭陀赴廬山寺詩僧家無任著早晚出東林
得道非真相頭陀是苦心持齋山果熟倚錫野雲深

溪寺誰相待香花與梵音

進士馬戴廬山寺詩白茅為屋宇編荆數處塔墀石

疊成東谷笑言西谷響下房雲雨上房晴鼠驚樵客
緣蒼壁猿戲山缺撼紫檉別有一條投澗水竹筒斜

引入茶鑰如山懸澗紫雲巖限其一新於厥水竹筒
 三峽澗矣言西谷響不長雲雨上長都風蕭然各
 棲賢谷之水其會為三峽澗澗在萬壽寺東南
 山疏萬壽寺東南行龜峰之末眾水之所會也凡能
 邪迤東圍山黃石諸水能邪迤西桃林長壠諸水小
 大支流九十有九皆入於三峽澗澗有洗馬池東林
 蘇子由棲賢寺記棲賢谷中多大石岌業相向水行
 石間聲如雷霆如千乘車行者震掉不自持雖三峽
 之險不過也蘇東坡志林讀子由記便如在堂中見
 水石陰森竹樹膠轄僕當為書之刻石堂上亦欲與
 廬山結緣他日入山不為生客也

瘦馬嶺烏石崖山石佛山石佛寺紅石崖山對谷
 漢陽之徼東北行曰瘦馬嶺

山疏瘦馬嶺在萬壽寺西山巉削骨立如裂其上有
 烏龜石

瘦馬嶺東為烏石崖山寺前山有石峯聳入眾
 山疏雙澗口在烏石崖東水岐而二其峯出七尖山

廢寶慶寺其一逕石佛寺而南
 烏石崖東為石佛山其下有石佛寺

山疏山有三峰並峙如佛
 南康志青蓮菴即石佛寺宋僧杜林建後兵燬宣德

中僧普營重建南雙澗口水山斷水壘寺東然不

煎魚澗在寺東南雙澗口水也滴水崖在寺東然不常滴

石剝石佛寺三大字

石佛山東北為紅石崖山

石人峰繡球峰棲賢寺

烏石山東南小山有石特立如人者石人峰也

舊志石人峰在棲賢寺側山有石拳聳如人狀

石人峰上有峰圓如球者繡球峰也

舊志繡球峰在石人峰北

石人峰下有棲賢寺

山疏棲賢寺者亦李渤讀書處也以渤故謂之棲賢

然寺之創則自赤眼禪師始洪武中寺以造偽鈔廢

飛錫泉在寺後槽斷泉在寺東赤眼泉在寺西廢靈

峰菴後

王禕遊棲賢寺記寺右倚石壁左俯流泉石壁之趾

僧堂在焉狂峰怪石翔舞簷上每大風雨堂中之人

疑將壓焉習廬山者曰雖茲山之勝棲賢蓋以一二

數矣又曰風雨初散日光穿雲斜照峰上巖谷石濕

芒采相射宛然金芙蓉也

棲賢寺有駐節亭愛堂應真閣劉西澗祠

山疏駐節亭在寺側南唐元宗遷豫章時常幸棲賢

因建亭焉今廢

廬山志卷五
祖無擇愛堂在寺側初無擇守南康能愛其民亦
愛之無擇數遊棲賢既去民為建堂曰愛堂今廢
應真閣在寺內元學士虞集詩輒入禪關裏飛行看
石淙應真誰貝葉受供此珠宮噴薄方無極泓澄自
有容餘波第六水取次濯凡踪石澗容飛渡緣山入
翠烟開門觀五老敷席近諸天試共龍聽法閒隨客
酌泉昔人行履處一一問藍田閣今廢
劉西澗祠在寺側朱晦翁建今廢
寺西北邃谷中有赤眼禪師塔巖谷深絕人迹罕至矣
棲賢之僧懷祐道欽智筠慧圓澄湜道堅知遷祖覺辨
首座凡九人

實訓辨首座謂東林僧混融曰衲子事華巧無實德
如盛丹獲飾敗舟以之涉江湖犯風濤能無危乎

玉淵潭

棲賢寺東為玉淵潭

山疏玉淵潭在三峽澗中諸水合流奔注潭中驚湧
噴空瀉下三峽潭上有白石如羊橫亘中流故名玉

淵

元學士李洞漑之記由開僊肩輿至三峽橋橋有飛
崖因相與列坐其上瞰流投石訇然出淙射中樹兩
涯深鬱葱菴月宿其表顧瞻長壑勢委蛇來覺景會
而神移也因起步入松逕可二里許至玉淵潭四山

忽開敞由中出奔湍注潭上其怒響與山遠近蓋三
峽遊景之尤奇者徘徊久之陰潭生風毛髮盡豎若
有龍居嶽靈出入左右不可留也姑記而去延祐二
年二月十有三日同遊陽平樊煙雁門文矩
棲賢寺記玉淵之東水平如白練橫觸巨石匯為大
車輪流轉洶湧窮水之變

棲賢橋

玉淵之南有棲賢橋

舊志棲賢橋在楞伽西南五里

山疏棲賢橋者三峽橋也作於宋祥符間其長幾百

尺橫絕大壑締構偉壯神施鬼設非人力所能為從
橋上俯視澗底大較可百餘尺或曰以甌貯水五升
許從甌背出水縷縷下注甌竭水乃至澗底此未足
憑

棲賢橋傍石罅中有小白石日映之則見五色光

南康志玉峽亭在棲賢橋西正德中知府陳霖建亭
壁鐫錢聞詩棲賢橋詩又劉廷誥汪伊詩

觀音亭在玉峽亭南

南康志飛來亭唐大曆中因風雨飛來故名半石半
木以祀觀音今廢

朱文公棲賢磨崖志新安朱熹奉陪高川蘇史君園

中錢別駕簽書楊子美博士楊元範星子王之才武
寧楊子直邯鄲缺仲衡濂溪周師温同遊卧龍遂至
玉淵三峽門缺缺缺王翰缺缺愉幼子在從淳熙已
亥四月上缺石劄三峽橋三大字又端午并缺日徘徊
缺缺庚寅缺境界缺三峽橋上缺自尋真至清缺
雒楊吳缺誠伯又嘉定己卯四月缺莆田陳宓與客
來李夢陽廬山記路傍草間有石鮮不刻也然莫能
盡記

宋黃山谷棲賢橋銘二山劔立瀧落天路北垂康王
之簾南曳開先之布銀河傾瀉起蟄千雷斲山為梁
無有壞隕驪龍守珠不可釣罩式告游者見危思孝

蘇東坡三峽橋詩吾聞泰山石積日穿綫溜况此百
雷霆萬世與石鬪深行九地底險出三峽右長輪不
盡溪欲滿無底竇跳波翻潛魚震響落飛狔清寒入
山骨草木盡堅瘦空濛烟雨間瀕洞金石奏彎彎飛
橋出漱漱半月殼玉淵神龍近雲雨亂晴晝垂瓶得
清甘可燕不可漱

參議孫應鰲棲賢橋詩雨霞變幻少定色掃石共坐
巖溪頭鐵船紫霄峰獨秀金井玉淵山更幽巾裘隨
意郭文舉獵釣無心翟祖休采采僊源有靈藥得之
還贈同心儔
棲賢橋下有龍潭曰金井

山疏橋下兩涯石皆紫赤角立軒軒然如壯士戴橋
立李空同所謂峽石肝爛者也橋之所踞實為得勝
地焉

石劉維皇宋大中祥符七年歲次甲寅二月丁巳朔
建橋上願皇帝萬歲法輪常轉雨順風調天下民安
謹題四十大字福州僧德朗勾當造橋建州僧文秀
教化造橋江州匠陳智福弟智汪智洪二十九小字
又治平改元甲辰閏五月二十日大理缺事簽書判
官廳公事楊度題又天章閣待制田瑜賢忠太常博
士胡况度臣缺中丞蔡吳子發皇祐元年四月十八
日遊又馬朋金井二大字餘刻多不能盡錄

棲賢橋北有石梁

山疏橋北十數丈有石方整如棺而大橫亘澗上俗
謂之棺材石

黎崩紀遊集相傳嘗有孽蛟從谷中出水怒湧勢且
壞橋時棲賢有異僧叱神挽此石扼之蛟退橋得不
壞

舊志三峽澗有石梁

參政余文獻棺材石蓋造橋時所用以緩上流之勢
者也其嶲岬處各有小石支之可見
題志嘉靖壬子正月既望同知南康府事汪伊遊姪
學周兒學孔學文侍

樓賢橋東有招隱泉其下有石橋潭

山䟽招隱泉在樓賢橋側泉出石龍首中瀉下三峽
澗匯為巨潭曰石橋潭陸羽嘗評其水為天下第六
舊有陸羽泉亭今廢

石劖石橋潭三大字

唐書陸羽傳陸羽字鴻漸復州竟陵人也不知其所
從生有僧得諸水濱畜之既長以易自筮得蹇之漸
曰鴻漸於陸其羽可用為儀因取以為名氏其師嘗
教以佛書欲使為僧羽雅不欲僧師怒因使執諸賤
役役苦之羽直學記誦不肯事諸鄙事竟苦鞭笞去
為優人作詼諧數千言太守李齊物見而異之授以

書遂廬火門山貌悅陋口吃而辨上元初更隱茗溪
羽嗜茶著茶經三篇言茶之原之法之具甚備當是
時鬻茶者皆陶羽形置煬突間祀為茶神不售即沃
以茶又有常伯熊者因羽論復廣著茶之功時御史
大夫李季卿過臨淮召伯熊伯熊執噐蒔季卿為再
舉杯至江南又召羽羽野服挈具而入季卿頗卑厭
之不為禮後呼左右以錢三十文賞茶博士羽愧之
更著毀茶論然自是天下尚茶成風而回紇乃始驅
馬以市茶云

六帖陸羽更隱茗溪自稱桑苧翁闔門著書或獨行
野中擊木誦詩裴回不得意輒慟哭而歸時謂唐之

接輿學水龍壽裝回不辨意脾爛哭而龍却龍其之
歐陽脩大明寺水記陸羽茶經其論水云山水上江
水次之井水為下又云山水乳泉石池漫流者上瀑
湧湍激勿食食久令人有頸疾江水取去人遠者井
取汲多者其說止於此未嘗品第天下之水味也張
又新煎茶水記始云劉伯芻謂水之宜茶者有七等
又載羽為秀卿論水次第有二十種皆與茶經不合
茶經謂山水上乳泉石池為上江水次而井水下伯
芻以揚子江為第一惠山石泉第二虎丘石泉第三
丹陽寺井第四揚州大明寺井第五松江第六淮水
第七秀卿所說二十水廬山康王谷水第一無錫惠

山泉第二蘄州蘭溪石下水第三扇子峽蝦蟆口水
第四虎丘寺井水第五廬山招賢寺下方橋潭水第
六揚子江南零水第七洪州西山瀑布第八桐栢淮
源第九廬山龍池山頂水第十丹陽寺井第十一揚
州大明寺井第十二漢江南零水第十三玉虛洞香
溪水第十四武關西水第十五松江水第十六天台
十丈瀑布水第十七柳州圓泉第十八嚴陵灘水第
十九雪水第二十如蝦蟆口水西山瀑布天台十丈
瀑布皆戒人勿食食之生疾其餘江水居山水上井
水居江水上皆與茶經相反得非又新妄附益之耶
其言南零岸水事涉怪誕水味有美惡而已欲求天

下之水一一而品第之不亦妄耶羽論水惡滯浸而喜泉源故井取汲多者江雖長然衆水叢雜故次山水亦各殊人必會合之則其水亦不一也
餘冬序記張又新煎茶記自述於僧舍得一書見陸羽與李季卿論水之品二十又言劉伯芻稱水之宜茶有七等揚子江南零水第一嘗挹而試之誠如其說及刺永嘉過桐廬嚴陵瀨家人用水潑陳黑壤茶皆芳香以前佳茶鮮馥不可名愈於揚子南零殊遠至永嘉取僊巖瀑布用之亦不下南零今考又新僧室所得書水品次第桐廬嚴陵瀨水乃在第十九而僊巖瀑布弗與焉

幽邃山

棲賢橋西為幽邃山

南康志馮京字當世其先自河朔徙鄂京有奇志因父調南康兵官與兄元隨侍初主歸宗僧慧南善風鑿許以甲科後至幽邃菴愛其幽絕僧仁監留止讀書未幾擢第今幽邃菴古松京手植也

鶴林玉露馮京鄂州咸寧人其父商也壯而無子將如京師其妻與白金數笏使買妾及至京師買一妾立券償錢矣問妾所自來但泣而不言固問之乃其父有官綱運欠折鬻女以償也遂惻然遣還不索其錢及歸為其妻具言之妻曰君用心若此何患無嗣

居數月妻果有娠及將誕其里中人皆夢鼓吹喧闐
迎狀元至馮第俄而京生家貧甚讀書鬻山僧舍僧
有犬京與共學者烹食之僧訴之縣縣令命作偷狗
賦援筆立成其警聯云餅餌引來喜掉續貂之尾索
綯牽去驚回顧兔之頭令擊節歎賞延之上座明年
遂作三元有詩號鬻山集皆其未遇時作

山疏幽邃菴南康志不書蓋其廢久矣今附見此山

西源菴

幽邃之前有西源菴

山疏西源菴者宋崔嘉彥所栖隱處也嘉彥西蜀成
紀人有用世才紹興中嘗以策干趙忠簡公公是之

會罷相不果用嘉彥遂去隱西源菴朱晦翁在南康
時嘗與往來已而崔卒晦翁又作詩以挽之云菴在
卧龍石佛之間舊志在幽邃菴前

晦翁與崔嘉彥東前日詣見重有喧聒媿不可言奉
告獲審經宿道體佳勝為慰某前日出山至玉京陂
頭遇雨中履沾濕狼狽可笑喜幸之深但恨已差晚
耳承問之及感感餘俟入城得面布也昨承枉顧棲
賢得款餘論為慰卽刻伏惟動止佳勝昨日之雨城
中僅能歛塵高隱必多得之也米資少許別紙送上
幸視至魏甥恪卽向來病甥之兄到此病作自有手
簡求醫藥幸審其證報之當為脩製服餌也昨日裴

廬山志卷五
回三峽奉候久之既以莫遠東走楞伽折桂失此一
見深悵想也奉告欣審即日殘暑道體佳勝菴屋媿
仰勤神用方丈牕牖只於兩旁為之大小隨意可也
承誨示并竹萌良荷厚意知煩親斲尤珍感卧龍亭
子已下手否向說栽竹木處恐意可便令施工也人
還布謝草草復未有一物為報引領雲山第增媿仰
承手示聞還自德安體用冲勝良慰昨夕聞山間頗
沾足城中殊少未敢廢祠也所喻當為立之菴中什
器俟一面措辦旦夕得雨後須一出郊諸容面道或
因入城幸左顧也奉告承乍寒道體增勝為慰卧龍
菴新主人未得一往視之承其寄筍感感人還草草

少間別奉問次

朱晦翁西源菴記予少好佳山水異甚而自中年以
來卽以病衰不克逞其志於四方獨聞廬阜竒秀甲
天下野人逸士往往徜徉於其間意常欲一往遊焉
而未暇也前年蒙恩試都在此山之陽乃間以公家
職事得至其中其巖壑幽深水石竒怪固平生所創
見而於巖壑水石之間又得成紀崔君焉乃信前所
聞者之不誣也君名嘉彥字子虛少慷慨有竒志壯
歲避地巴東三峽之間脩神農老子術東下吳越以
耕戰之策干故相趙忠簡公趙公是之會去相不果
行君自是絕迹此山按陳令舉所述圖記得西源菴

故址於卧龍瀑水之東築室居焉耕田種藥僅足以
自給而四方往來之士皆取食焉其疾病老孤無所
與歸之人至者亦收養之蓋年逾七十矣而神明筋
力不少衰予往造之而君不予避也一日為予道說
平生相與太息會予結屋卧龍以祠諸葛丞相世蓋
少識其意者君獨歎曰此奇事也相為經紀其事以
迄有成兩年之間相見者不知其幾而君未嘗一言
及外事予以是益嘉君之為人而重歎其既老無所
復用於世也淳熙辛丑閏月之晦予既罷郡來宿卧
龍君曰卧龍之役夫子既言之矣顧西源獨未有記
復能為我書之乎予曰諾哉於是悉次其說俾刻焉

晦翁次張彥輔西源之作無處堪投迹空山寄一椽
懸門窺絕壁繚徑上層巔檻澗吞江浪牕虛響谷泉
丹經閑自讀不為學神僊

西澗清淨退菴

棲賢橋西有水為西澗其僧舍曰寶峰菴

山疏西澗在棲賢西三里所中舉進士為縣士今介

寶峰菴即靜隱院今廢更築之曰青翠菴

寶峰之僧月公晦英邵武湛堂準元首座大慧果

寶訓湛堂準每得前賢書必焚香展讀或勒之石既
沒無一金之儲惟唐宋諸賢墨蹟二篋眾為會錢茶

毘之

宗門武庫李商老家於廬山之下與湛堂準往來居
寶峰者數年通攷商老名彭公擇家子弟也東坡山
谷文潛皆與往來頗博覽強記所著有日涉園集然
詩體拘狹少變化昭先湛堂準天首坐大慧果
寶峰菴有劉凝之隱居後更築之曰清淨退菴

山疏凝之名漁均州人天曆中舉進士為穎上令介
介不適於俗年四十即掛冠去歸廬山歐陽永叔為
之賦廬山高凝之既歸隱居落星灣嘗乘黃犢往來
廬山中尤愛寶峰西澗之勝數就憇焉寶峰之僧用
結茅以居之遂自稱西澗居士是時屯田員外郎陳
舜俞以言新法謫監南康酒稅亦騎牛廬山中與之

往來龍眠李公麟為之繪圖作歌其後朱文公守南
康時即寶峰舊趾立清淨退菴及靜隱亭以表之而
寶峰因更名靜隱院晦翁有清淨退菴詩百

張文潛冰玉堂記凝之有詞學為小官數以事屈在
位者節高不能容歸廬山築室種蔬而食之無求於
物人皆師尊焉

歐陽永叔廬山高詩廬山高哉幾千仞兮根盤幾百
里峩然屹立乎長江長江西來走其下是為揚瀾左
蠡兮洪濤巨浪日夕相衝撞雲消風止水鏡淨泊舟
登岬而遠望兮上摩青蒼以掩靄下壓后土之鴻龐
試往造乎其間兮攀緣石磴窺空窅千崖萬壑響松

檜懸崖巨石飛流淙水聲聒聒亂人耳六月飛雪洒
石矸僊翁釋子亦往往而逢兮吾嘗惡其學幻而言
龐但見丹霞翠壁遠近映樓閣晨鐘暮鼓杳靄羅旂
幢幽花野草不知其名兮風吹霧濕香澗谷時有白
鶴飛來雙幽尋遠去不可極更欲絕世遺紛龐羨君
買田築室老其下插秧成疇兮釀酒盈缸欲令浮嵐
暖翠千萬狀坐卧常對平軒窻君懷磊砢有至寶世
俗不辨珉與玳策名為吏二十載青衫白首困一邦
寵榮聲利不可以苟屈兮自非清泉白石有深趣其
意矧碑何由降丈夫壯節似君少嗟我欲說安得巨
筆如長杠黃山谷跋劉公中剛而外和忍窮如鐵石

其所不顧萬夫不能回其首也家居四十年不談時
事賓客造門必置酒終日其言亶亶似教似諫依於
莊周淨名之間年八十而耳目聰明行不扶持蓋不
得於彼而得於此也廬山之美旣備於歐陽文忠公
之詩中朝士大夫讀之慨然欲稅塵駕少揖其清曠
而無由而公獨安樂四十年起居飲食廬山之下沒
而名配此山以不磨滅碌碌而得志願者視公何如
哉

五乳峰卧龍岡胡鼻峰

西澗之西有山鄰於七尖山是為五乳峰

山疏山有五峰如乳故名五乳在七尖山東去西澗

三里山前五乳峰東下當石佛寺西南四高而五乳之北為筲箕窩山尖山長無正深

山疏筲箕窩在龜背峰東下當石佛寺西南四高而中窪如筲箕狀

五乳峰東為卧龍岡其下有卧龍潭志無

山疏卧龍潭有三潭其二在卧龍岡巔其一在岡下谷中潭水與開先瀑布同源而分流自龜背峰東循筲箕窩逕卧龍岡巔下注谷中之潭而谷中之潭有黃石數丈橫據潭心蜿蜒若龍岡巔之水直下三數十丈奔注之湍激漩涌滉漾動搖若欲飛舞故名卧龍潭不願萬夫不指回其首

卧龍潭有三數小黃蛇出沒漩水中擊之則迸入石竇山前東面雨時相噴

石劉紫陽朱熹小卧龍山宅成紀崔嘉彥實錄之其

徒臨江劉清之已亥秋七月共二十九字餘不可辨

又卧龍隸楷各二大字已上在潭東壁嘉定辛巳秋

太守黃桂增啟卧龍祠堂重陽落成率都察鄭涇李

大器郭津趙汝欣陳翼陳維明茹或趙希价金應孫

趙與嶽展拜祠下朱缺奉檄至亦預焉已上在溪口

東崖李夢周詩言

朱晦翁卧龍潭送水文往分靈液來即祠壇誠未格

於幽潛澤尚愆於田畝惟時淹久懼弗吉獨敢奉冰

壺言歸貝闕別禱餘潤用弭炎氛尚神聽之淵冲鑒
惟衷而響答單志水之卦公重來唱賦未外

山疏李夢陽記言卧龍潭嵐重不可居晝日嘗黯黯
予嘗至其下觀之不然豈率之遊也適陰霾嵐重而

李遂以為常耶大刺其刺即法海缺余介全懃將
卧龍之水東行出破與清泉澗水合如率疏寮曠至李

有菴於潭東為卧龍菴中曰土五舉東墊嘉安辛巳
龜山文集廬山卧龍菴有劉道人自云百餘歲碧眼

不粒食惟食栢飲水每客至必先知之欲往見不果
揚龜山南康值雨詩卧龍菴前碧眼翁日飲山深餐

溪松神融氣合八荒外此心烟烟宜先通未須勤移

却俗駕會應言洗塵凡空寄言歸侍壺丘子他日來
游當御風蘇文惠如車馬五遊中馬昔如轉法

山疏菴在卧龍潭東數百步劉死菴廢其後朱系守
南康復建菴而繪諸葛武侯像於其中又別於潭傍

立亭曰起亭又亭於菴之傍曰脩白亭欲俟解組居
之會遷官去南康不果居今並廢至我明嘉靖中都

御史何遷復就潭北建起亭而刻出師表及晦翁諸
詩於石賦益曰爽百然而杯青鼎巖谷至神

石劄嘉定七年臨川吳清之與崔嘉彥同遊此以報

題志嘉靖庚申八月三日偕劉武選仁山白鹿洞王
萬伯行貢玄略遊宇功宇度中孚侍益余填撫得代

將赴淮陽之明日也吉陽何遷書於益余與無所外
朱文公卧龍菴記卧龍菴在廬山之陽五乳峰下予
自少讀龜山先生楊公詩見其記卧龍劉君隱居辟
穀木食澗飲益已度百歲而神清眼碧客至輒先知
之則固已知有是菴矣去歲蒙恩來此又得陳舜俞
令舉廬山記讀之其言曰凡廬山之所以著於天下
者蓋有開先之瀑布見於徐凝李白之詩康王之水
簾見於陸羽之茶經至於幽深險絕皆有水石之美
也此菴之西蒼崖四立怒瀑中瀉大壑淵深凜然可
畏有黃石數丈隱映連屬在激浪中視者眩轉若欲
蜿蜒飛舞故名卧龍此山水之特勝處也於是又知

其泉石之勝乃如此間以行田始得至焉則菴既無
有而劉君亦不可復見獨泉石之勝不可得改然其
壯偉奇特之勢則有非陳記所能彷彿者余既惜其
出於荒堙廢壞之餘而又幸其深阻曼絕非車塵馬
跡之所能到倘可得擅而有也時以上章乞解郡紱
乃捐俸錢十萬屬西源隱者崔君嘉彥因其舊址縛
屋數椽以俟命下而徙居焉既又緣名潭之義畫漢
丞相諸葛公之像寘之堂中而故友張敬夫嘗為賦
詩以紀其事然菴距潭猶數百步步亂石間三涉澗
水乃至至又無所託足以寓瞻眺乃顛沛而反因相
其東崖鑿石為磴而攀緣以度稍下乃得巨石橫出

澗中仰翳喬木俯瞰清流前對飛瀑最為谷中勝處
遂復作亭於其上既以為吏民禱賽之地而凡來遊
者亦得以彷徨徙倚而縱目快心焉於是歲適大侵
因榜之曰起亭以為龍之淵即者可以起而天行矣
然予前日之請迄今蓋已屢上而竟未有得也歲月
飄忽念之慨然乃叙其作興本末而書之屋壁來者
讀之尚有以識予之意也

朱晦翁詩空山龍卧處蒼峭神所鑿下有寒潭幽上
有明河落我來愛佳名卜築尋幽壑永念千載人丹
心豈今昨英姿儼繪事凜若九原作寒藻薦芳馨飛
泉奉明酌公來識此意顧步慙不樂抱膝一長吟神

交付冥漠又次張彥輔卧龍之作瀑水源何處高疑
雲漢通瀉時垂練直落處古潭空客寄詩能好龍蟠
意自雄知君來峴首為我說隆中

李夢陽詩出遊青天礪遂至卧龍潭重岑上無極白
日蔽寒嵐巉峭詎能步險絕誰可探歷石誠巍倨捫
壑驚訝豁我行值秋季霜藹搖匡南午攀日忽夕足
倦情逾酣雷瀑響崖澗孤花媚澄涵撫似悟命意循
迹想名菴菴廢人踪絕岩剝文半滅世坦異道塞慨
茲焉能說

曾舍曰正序別贈音菴
何遷卧龍潭觀泉詩尋山須到巔尋水須到源坐看
泉落處欲問已忘言

參議孫應鰲詩玉峽飛雄瀑深潭久卧龍年年長未起可有五花供

卧龍之側有僧舍曰五乳院觀音菴

南康志五乳院在卧龍菴側朱晦翁蓋嘗遊焉後兵燬

晦翁題志淳熙庚子重五日晦翁與程正思陳彥忠

俞季清來翁子在甥魏愉從詣可辨

舊志觀音菴在五乳院前菴有觀音井今不知所在

五乳峰西南為胡鼻峰

山疏胡鼻峰峰形如胡鼻在七尖山東南南康舊志

在鶴鳴峰東

桑喬生曰漢陽五老欲合不合含鄱乃見其山水與上霄鄰峻級危磴下臨無地行者子子然出入雲霧間喘汗脅息者三數然後可覲其巔非好奇之士罕經之矣

廬山紀事卷五

廬山志卷五

長谷真如曰二樓後可觀其巖非故前八十罕登之矣
 夫登下語無的行者以自然出入雲霧間
 若登此曰... 夫登下語無的行者以自然出入雲霧間
 若登此曰... 夫登下語無的行者以自然出入雲霧間



